



登記號	020063
類 別	
全 書	函 10 册

國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集序

近世以文名者不一雖高談闊論雅足
動人而行不掩言者居多惟金壇劉公
學術本乎伊洛文藝勝於漢唐其居鄉
也正直溫和其服官也明敏仁恕誠一
時之奇才而道學之宗派也無何世事
多艱竟不樂仕告歸田里


朝廷屢召不起自號漫塘病叟隱居三十



國家圖書館, NATIONAL CENTRAL LIBRARY, TAIWAN, R.O.C.



345253 | v.



年澹如一日不事家業惟好讀書生平
著述不可勝紀然皆散佚不存矣今姑
就所見所聞者傳之於世以見斯文之
未喪云嘉熙四年三月庚午同知樞密
院事趙葵序


漫塘劉先生文集卷第一

賦

漫塘賦

張端衡謂漫塘叟曰余昨宦東州客
有問漫塘之景者余無以應或又有
徵圖於余者曰子漫塘里中人也寧
無之余又謝無有既歸將與好事者
謀之而游乎塘之上見景物之無奇

陳立炎



年澹如一日不事家業惟好讀書生平
著述不可勝紀然皆散佚不存矣今姑
就所見所聞者傳之於世以見斯文之
未喪云嘉熙四年三月庚午同知樞密
院事趙葵序


漫塘劉先生文集卷第一

賦

漫塘賦

張端衡謂漫塘叟曰余昨宦東州客
有問漫塘之景者余無以應或又有
徵圖於余者曰子漫塘里中人也寧
無之余又謝無有既歸將與好事者
謀之而游乎塘之上見景物之無奇


陳立炎



游觀之無所難之可若何叟不對退
而援筆爲之賦其辭曰


東泂柳巷北屆蔬畦小溝環其南通川
漫其西靡種靡藝不藉不治葭蘆茁而
映帶成行沙土潰而壅底爲堤茶蓼叢
生蒲稗因依菡菖紅白錯如布棋爛乎
若吳陂初按於彩陳粲兮若月宮更下
於瑤池翠蓋亭亭芳氣菲菲鷺憤圓沙

之宿魚便蜜藻之依蛙蚓鳴爭而鼓吹
百萬鶯鴻來下而爛熳舞依雲斷而霞
散錦綺風平而月漾玻璃玆實天壤之
真趣有非世俗之可知亦有新齋臨乎
水涯小橋斜徑矮屋疏籬兩未多而泥
沒膝門雖設而草侵扉朽木慣宰予之
晝寢青苔驚玉川之夜歸仙舟自去誰
爲元禮高軒不來孰爲退之叟之辭未



畢端衡曰止余聞李愿安盤谷之居杜
老喜浣花之寓彼豈玩志於物縱心佚
豫蓋以厭俗喧卑脫身遐舉要必有偉
麗之觀幽閑之趣以凜雪其精神澄清
其志慮庶白日可到於羲皇而宵夢足
通於帝所况如吾子內絕意於聲色外
忘懷於圭組爲計已决歷年已屢而是
塘也廣深雖愧蘓夫子之滄浪而僻遠

亦殊柳先生之鉅鉏其隘也可闢其闕
也可補胡不增其高而爲基夷其平而
爲圃畫舫浮深脩梁跨阻嘉花美木之
列植直館涼臺之接廡使鄰曲改觀兒
童欣舞顧乃計失於因循事成於莽鹵
豈惟無以自適於一時抑恐由之詒笑
於千古漫塘叟曰吁巢居知風穴處識
兩顧吾與子雖同聲氣尚殊出處子寧



規我以目前之苟且毋寧休我以方來
之謗譽彼花迷金谷之園雪冷袁宏之
渚淒涼釣瀨富哉鄒塢試由今而視昔
果孰去而孰取張子由是俛然而思釋
然而悟曰子無俟於索言吾特從而戲
汝

楚辭

昭君曲

讀鄭虞任所賦及石湖諸賢
題卷昭君事及復畧盡管見
容有未合漫書卷尾

朝日曜兮春花玉壺爛兮清冰耿余心
兮不欺付妍醜兮丹青君王兮宵衣壯
士悲歌兮戰死豈余身兮憚殃抗風沙
兮萬里崔嵬兮增城燿燿兮昭陽羞末
路兮多艱幸朕時之不當邇裘兮娛嬉




卷之四
四
穹廬兮容與怨群胡兮我欺諗九天兮
誰許南風兮徐來淹涕兮無語四十五
十兮無家抑有慙兮夔女

和樓倅宗簿

某病不可仕歸老漁樵郡通
守樓宗簿好古樂善意其違
世獨立似古隱者歌楚詞以
遺之辭嚴義正足與屈宋並

驅友人王仲永料院復用韻
見寄見黃門而稱直雖不能
不爲知言之累然厚意不可
孤也謹次韻以謝前以自見
後以見區區之望云

草莽莽兮平臺烏翩翩兮去來側身兮
引睇長太息兮徘徊攬余纒兮高鶩豈
不夙夜兮謂行多露漱流泉兮枕石憺



無營兮得我所同心兮離居未傾蓋兮
有書歲既晏兮無娛我思君兮君開關
而望余


其二

余幼好此竒服兮歲荏苒而華顛聞若
人之好脩兮攀眾芳而獨專結微情以
陳詞兮鱗鴻杳以無傳惟聖哲之茂行
兮在舉能而任賢橫江湖以揚舲兮寧

維楫之可捐爛晨光兮破群幽清風發
兮涼氣颼颼瓊珮兮鏘鏘玉鸞鳴兮啾
啾時不可兮驟得君胡爲乎此留

月桂辭送陳兄部運京口

芳菲菲兮月之桂子之家兮傳芳世世
月之桂兮古猶今往則得兮子寧不嗣
音冠鵬冠兮謝章甫司征商兮河之澍
更兼官兮部運幸訖事兮無忤歸來兮



歸來倚門悵望兮高堂慈母

書竇文卿墓

棟宇兮煌煌鬢髮兮蒼蒼羗一言兮會
心駕吾車兮建陽車旣駕兮過歸兮良
是兮昨非釋衆累兮春冰耿吾心兮夕
暉斯道兮孔壽斯人兮不忘十載兮重
來汙溲兮此堂風撼兮寒松霜凋兮百
草佳城兮芴菟萬古兮自保

五言絕句


雲邊種松

漸止牛羊牧還添雨露滋但令萌蘖長
自有歲寒姿

題屏間

野曠乾坤大身閑日月遲有生均自得
造物本無私

謝陳僉惠紅綠柿



紅綠分佳果丹青謔好辭遙怜霜落葉
哢憤坐題詩

送李季允侍郎歸蜀五絕用禪

房花竹幽爲韻


蜜葉秋逾潤幽花晚更妍去來誰是主
試問白頭禪
地僻風煙好身閑日月長未知嘉遜吉
占驗笑京房

淮海身如繫岷峨路去賒相思冰雪裏
卻立嗅梅花

交情契金蘭燕樂非絲竹我歌古別離
語盡君當續
日脚收新雨禪房早得秋重來應更好
誰與共清幽

送昔監稅滿替

但了官中事都無俸外錢妙年能爾耳



晚節更須堅

題虎丘劍池

石壁千年立池泉百尺深蕭蕭陵下木
遺恨古猶今

題王氏天開圖畫卷後

濃淡非粧點縱橫謝剪裁憑欄一凝睇
圖畫信天開

次王允韻二首

錦繡胷中富珠璣筆下生如何鹿門去
不向玉堂盛


買屋依三阜開窓對兩池去來誰是主
空鎖壁間詩

潑墨池庵前有兩池號海眼

泉旁皆流水爲三茅勝處某

本得之即爲好事者所取云

再用韻



野徑梅初發寒塘草又生能來同社酒
莫笑瓦盆盛
綠楊陶令宅芳草謝家池開徑應須我
酬君未有詩
雲邊遣興
穴處堪忘世松餐足永年有時雲兩上
獨立看青天


送李果州

蕭然瘦鶴姿不受世俗塵吾衰久矣夫
眼明見斯人

含香趨漢陛前席問賈生要路須民庸
錦衣聊晝行

一年春好處寒食一百五想見束晨裝
沙頭震鼉鼓

昔吾有先正走卒稱司馬憂國等憂家
人物君其亞



七言絕句

儀真法曹日作

紛紛惡直喜阿諛局東英豪氣不舒萬
事付渠三昧手此生自放五車書

題儀真常平倉壁

苦被微官縛此身汗衣亭午亞紅塵維
舟醉卧垂楊下輪與江湖自在人

儀真呈隣居同官


南樓風物怯新晴管領心知獨有君從
使市聲鑿午枕不妨清夢到行雲

過尤溪

尤谿塘上征人路記得停驂一解頰十
載重來兒女換似曾相識有青山

過剡溪

青山疊疊水潺潺路轉峯回又一灣想
見雪天無限好不妨獨棹酒船還



賦陳太史所築凌雲亭四首

太史會題仲舉輿子虛賦就壓蓬廬終
然不負凌雲志會向蓬萊頂上居
吏退庭空一迳深交柯蜜葉布繁陰婆
娑誰識先生意恐負當時庇物心
紫煙縹緲接雲霞亭下連薨十萬家想
見當年關尹子已占柱史入京華
身自蓬萊頂上來彩雲深處見崔嵬憑

高莫作陵雲想聞說天門有詔催


題馮公嶺旅邸

層樓傑閣聳朱欄樓下行人自往還但
見彩雲橫木末不知身在翠微間

題永嘉寺壁

石泉飛下寶蓮宮似聽鈞天奏未終千
古風流謝康樂可無屐齒此山中

題石門奉直觀



疊障爲屏石作門陰雲漠漠雨昏昏清
游到晚不知去要上峯頭望曉暎

吳門道中

三吳豪俠騁輕肥盡是當年襁褓兒鬢
髮蒼蒼顏色改問翁如此復何爲

舟過惠山

小立舡頭看惠山山尖半在有無間蚕
眠未老秧方綠且放煙雲自往還

舟中


蓼岬著花紅半吐稻畦過雨綠平鋪炊
煙起處三家市却向江湖憶畫圖

醉中

一樽細酒與君同有喜荷香送晚風四
座盡傾談柄白滿筵不用舞裙紅

漫塘口占

醉着舡頭背月眠醒來紅日浴晴川等



閑活計無人共獨占江湖萬里天

九日

擣餈籩酒薦新春嘆息年來甌石空不
惜解衣供一餉要令稚子識家風

感春

隔溪啼鳥弄新音繞岸蒲芽迸綠簪花
事只今強半在不妨風雨攪春陰

七夕


天孫今夕渡銀潢女伴紛紛乞巧忙乞
得巧多成底事祇堪裝點嫁衣裳

天台道中用陳氏園亭韻

筍輿穿過萬重山邂逅登亭一解顏剩
欲題詩徧蒼石舉頭羞見嶺雲閑

再用韻

亭俯澄波對碧山山頭古木總蒼顏愛
山未辦還山計猿鶴還應伴我閑



秋懷二首

翠幄迎霜半染紅
高林風過雜笙鐘
澄光萬頃天無滓
留與羲和駕六龍
一抹紅綃日脚霞
千林暮靄納歸鴉
西風捲盡梧桐葉
乞與中庭散月華

嘲啼鳥

脫却破袴

破袴年來未改爲
園中啼鳥汝何知
從

教解使君侯
悟爾死何由
得蓋帷


東陽道中聞杜鵑

萬里雲山路
渺茫車輪音
日往來忙憑
君一語成歸去
笑殺兒時射四方

聞桔槔

歲旱田家競作勞
車聲夜半響
嗷嘈市門多少夸毗子
日晏高眠笑爾曹

宿直里店二首



扁舟泛泛逐驚湍朔吹颼颼作曉寒
棹遠來投野店應門幸喜得儒冠
稻穫田空宿水禽去來終夜有清音
投床倦客無他想祇有江湖萬里心

番發散兩書懷

轟雷驚散半空雨赫日衝開萬里雲
依舊炎炎還酷暑南來猶幸有晴薰

題呂城廟


呂公遺壘枕高岡落日西風草木荒
王氣懸知南國在不妨北面儼冠裳

和陳倅校書惠詩

故交袞袞白頭新傾蓋相忘有幾人
奉詔君應歸冊府一簣我欲老江濱

和陳校書祈兩有應

一念憂民敢憚煩肩輿得得款祠壇
莫嫌勺水能多少自是壺中世界寬



和陳校書生孫

四海聲名陳太丘元方有子復何憂他
年羔鴈成群至不獨丹青詫豫州

和趙季行用蘭花韻三首

破除百卉發孤芳造化工夫有抑揚平
易堂中無箇事一枝相對吐青香
結根崑谷謝群芳多謝光風為發揚騷
客毋煩賦紉佩省即行矣趣含香

鷓鴣潛消百草芳清芬散逐楚風揚洛
陽姚魏空增價愧死崑隈有國香

次韻蘓明仲

詩翁名字簡思陵死去人疑化鶴丁敗
絮當年猶自擁褐衣今日可忘情

酬陳子與

門外秋光入句頻門前積雨少來人利
名到底成何事贏得江湖自在身



送晦庵語孟集註與諸姪
伊洛遺書徧討論微言千古破童昏要
知此老躬勤意送與君家好弟昆

冬日即事

飛廉不解却豐隆結就濃陰萬里同須
信碧霄無點滓曉來紅日自生東

戲和荆公讀漢書

當年泚筆笑愚忠後日私書迹更窮自

是京劉異恭顯未知君意與誰同


讀韓詩和其韻

詩有二句云力去陳言誇末
俗可憐無補費精神

韓子文同孟氏醇陳言去盡只天真君
詩費却雕鐫力筆下應誇自有神

讀蘓武傳

李陵衛律兩降人大義相規幾盡誠陵



語不傳傳衛律要令千載識交情

讀公孫弘卜式倪寬傳

儒雅弘寬世所宗汗青中介牧羊翁史
家有意君知否未必文華勝朴忠

讀樓護傳

劉氏難令呂氏安酈生大義炳如丹君
卿賣友阿王莽死去何顏見呂寬

讀衛青傳


任俠行權世所誅將軍尚借齒牙餘古
來名將勤招選底事牢辭不敢居

書陳少陽遺墨後

贖死何由可百身遺書猶足警來人當
時珍重千金子此日淒涼一窖塵

送應徽之歸天台

去來行李苦匆匆世路嶮崎一笑中間
道倚門占鵲喜早尋歸棹浙江東



借明秀軒韻送趙推入幕二首
七澤波濤筆下吞相逢曉日上天門祇
今出處難同調慙愧高軒幾訪存
紛紛末俗假成真幕府歸來歲聿新萬
里終存江海志一毫莫染簿書塵
雲邊即事
山鳥紛紛不計名曉來聒聒弄新晴山
人不識虞廷樂疑是簫韶奏九成

題龍祠米元暉詞後


以有政勝尋爲尋勝者作

醉筆淋漓紀勝尋重來尚想百年心浪
將一字殊先後誰識朱絃太古音

松影

老松偃蹇印晴空倒影參差澹月中夜
久無人共清賞一庭簫瑟走虬龍

戲傅老



時在慈雲寺設糜
錦繡囊開一夜風萬家花柳鬪青紅誰
知一點陽和氣盡在高禪杖錫中

謝薦賢

容貌天黥二十年刳腸一洗悵無緣祗
今縱使逢醫緩却顧霜毛已颯然

雲邊阻雨

輾轉無眠到夜闌鵲聲送喜近簷間好

風吹斷夜來兩晴日放開雲外山


又用前韻

薔薇籬落送春闌筍蕘園林早夏間牛
背牧兒酣午夢不知風雨過前山

酬傅老

人生不見古無懷平陸猶成灩澦堆百
歲髑髏能發語有生非樂死非災

題布金寺鐘樓



雲間縹緲出層樓樓上鐘成四百秋當
日繁華今不見鍾聲依舊滿林丘

黃梅

林梢脆實薦辛酸尚記兒時刮目看老
去齒牙無復昔晚枝猶喜墮金丸

題張端衡竹木石畫

槎牙高樹蕭梢竹絕島風煙開短軸更
煩點筆作衰翁嘯月吟風飲山詠

送張端質上春官

第一江山酒兩壺送君鼓篋入皇都直
須第一收名第莫使江山擅美呼

送劉簿秩滿東歸

一官簿領十年間此去青雲手攀可勝
日西湖浮畫舫頻將卮酒酌孤山

謝趙使君謫租

長榜朱書又墨書使君願令謫逃租一



千里內歡聲滿十數年來此事無

送茅監

一棹東來載月歸官途此去有光輝
祖筵是處花枯裊慙愧衰翁晝掩扉

寄潘子善上舍

寂寞安居十載餘高軒欲過尚躊躇
莫嫌窮巷青泥滿自是門多長者車

代東寄王去非


聞隨使節過江東想見旌旗十里紅
多少蒼生在寒谷早吹鄒律轉春風

寄江東直漕

金陵千古帝王都肉食何人解遠圖
只有愛民直學士不慙通務漢三儒

簡同志

竹韻因風來滿楹桂枝和月印中庭
遙知碁罷渾無事百首新詩醉復醒



謝紀倅惠梅

翠實堆盤對綠樽清香尚想月黃昏
主人合試調羹手病瘦難忘止渴恩

口占謝陳使君

相思目斷鑑湖舡書別殷勤敢贈言
未解終南尋捷徑少寬谷口截朱轆

書蔣雲巢詩卷後


逸興常同造物游駕巢不與世人侔
日

晴紫翠開千嶂依舊君家在上頭
雲邊遣興

洩雲日日肩山頭古澗淙淙咽怒流
但得農家餘雨澤不妨客子嘆淹留

乙酉夏述懷二絕

水邊舟子競招招陌上車塵晚更囂
祇有幽人無箇事藕花深處弄輕橈
岸柳風摧更綠饒檻花當暑自紅嬌
流



行一氣元無息松栢何妨獨後彫

答王去非覓柳栽

不惜柔條折贈君與君分點萬家春祇
愁五柳門前景不稱三槐堂裏人

得軒即事

上印還家不計年水光彌望木參天綠
雲洞裏開書幌紅錦波心漾酒舡

荷花

淤泥除盡藕根空留得孤芳照病翁水
面亭亭塵不染懸知不是蓼花紅

和錢晉之綠雲洞天韻

理亂幽人了不聞扶疎遶舍綠成雲洞
中不異人間世一枕邯鄲浪策勳

答鍾元達覓藕栽二首

紅粧翠蓋出污塗水面風吹醉欲扶自
是凌波有仙種文君莫訝茂陵姝



漸點青錢浮水面猶將素節混泥沙送
君百頃風潭上莫笑元非十丈花

戲謝張端惠牡丹并湯鵝

右軍渾脫從花王老子開盤喜欲狂擬
挿一枝無稱面浪餐鷺炙愧劉卽

題瀑布畫

洩雲瀕洞遮山腹古木槎牙繚山足舉
頭百丈瀉寒泉知有峯高挿天綠

題德源庵


牖戶綢繆實父基豆區積貯訓承師老
來事業僅如此慙愧平生祇小知

回陳兄惠瓜

碧圓到眼舌生津三載深慙拜賜頻莫
怪尊前最知味東陵自是種瓜人

奉酬陳居士

高人不作飯牛歌盍鄉滄浪具笠簔正



使同舟欠西子也勝逐日效秦娥

用韻索青娥元

病餘不賦惱儂歌活計江湖一釣簑儻
許膏盲驅二豎肯令紅粉污青娥

代東蘓僉

七十收身古戰場歸來八十更康強酒
闌庭戶秋光好想見詩成一縷香


東張簿二首

簿書閱過幾牛腰一縷清香午未消梳
室醉吟誰是伴鐵城折簡可頻招
細肋朝來正割鮮瓦瓶先臘湛寒泉香
棲枳棘寧多日斷送橫飛上九天

代東促陳居士歸

一棹東遊久未歸羞囊應已典春衣淡
煙踈柳鱸魚市底事流涎對落暉

代東答徐監押



隨堤綠柳漾清流
畫舸輪君爛熳遊
柘蕩高湖須老伴
不妨挾柁出灣頭

口占送紙鶴帳與王克家中書
雪翎丹頂更玄裳
持赴君家六尺牀
午枕不須蠻素問
主人心地正清凉

和王克家所寄草堂詩二首


絃歌流化記琴堂
椎魯難言愧互鄉
正對薇花揮翰墨
猶能春草夢池塘

身在金華與玉堂
寄聲時到祝雞鄉
爲言舊訪廬全處
柳壓平堤水滿塘

次韻謝范黃中運管二絕

一區聞道宅新成
蕭灑真堪寄此生
角次清冰元自瑩
不妨更向玉壺盛
刁塢春回花滿枝
沈溪夢斷水盈池
遙知弔古經行處
落紙雲煙總是詩

題恭靖兄志庵二首



卷之一
宅兆當從志所安故山松竹舞林巒莫
嗟外有封疆隔自覺中含宇宙寬
山勢西來如鳳舞林巒左轉若龍蟠門
前一水流新綠須信神心萬古安

題明倫堂

六杉中一桂


六樹庭前過屋山一枝仙桂許高攀風
雲有幸逢千載里社應先庇萬間

送徐兄封川之行

別時觸目是愁端適喜君懷宇宙寬千
里似人猶見喜寄聲別駕好相看

聞杜鵑三首

舊於東陽道中聞杜鵑啼會
題壁間一絕鄉邑無此鳥近
頗有之因作三絕其一用舊
韻以解前詩之大言無實云



時紹定己丑春

當日停輶古道旁大言聊以解愁腸只
今老去惟吳下無復驅車走四方
天津橋上小徘徊入耳新聲兆有開家
住江南異京洛不因君至浪驚猜
薄宦思歸畏嶮巇從君歸去苦嫌遲歸
時綠鬢今黃髮歸路安平我獨知

送洪季揚分教橫州兼呈丁帥

二首

仕有爲貧難擇地志將及物要乘時青
衫入手南中去此意惟應我輩知
五百人中占上遊四千里外客諸侯南
中賴有賢方伯處我應須勝自謀

送機僧代東莊氏

長蕩湖南好事家祇今無復舊豪華斗
升爲乞西江水涸鮒餘生或有涯



送丁道士住洞陽

華陽洞口鍊丹臺
仙客遺基在草萊
急遣羽流專洒掃
千年去鶴會歸來

九日送酒黃竹磧

老瓦盆中詠酒香
田家風物近重陽
不知竹磧盤桓處
今賦黃華第幾章

寄題洪氏永則軒

此則天然與性俱
執柯何必遠求歟
父

兄行已一家法
聖哲傳心萬卷書


爲紀生借屋

乃祖焚身爲祖劉
末孫那敢不相周
單辭往扣賢公子
茅屋何妨得借留

送上元張尉兼柬呂制幹二首

千古繁華白下亭
萬家花柳擁層城
登臨此去非無地
彈壓中間要有聲

幕府東來第一人
姓名星斗揭倉旻
龍



駒要踏浮雲去好向庭前一問津

枕上四首呈丁景舒

時景舒句容罷歸

督郵行縣豈徒哉指點虛無作禍媒
料得淵明知此意懸拋印綬賦歸來
絃歌容與倦將迎五斗看來一羽輕
若也兒曹知此意可容千載擅清明
籬邊把菊玩遺芳未肯從渠入醉鄉

字句中窺屈宋七絃聲裏到羲皇

等閑游目送飛鴻適意何妨酒一中
蓮


社未應尋盛遠竹林中亦着霽戎

代東謝袁兄

漁樵並舍兩相忘三逕回看久就荒
只有平生直活計湖光萬頃接山光

送無灰酒周馬帥口占三絕

寶璽來歸萬國春海隅花鳥亦欣欣



恩更向將軍厚乞與人間自在身
乞得閑身荷聖朝舊棲佳處日逍遙却
隣赤壁歸來日歌舞樽前祇小喬
奉寄無灰酒十罌一杯入藥可長生藥
成預約分酬我眉壽相期比老彭

奉酬敬亭石隱君

宛陵佳處敬亭山中有臞仙獨得閑贖
喜好音來物外莫令佳句到人間

爲土山行者勸緣


莫言山勢但陂陀坐斷東南萬頃波地
勝要人勤洒掃瓶空無米盍如何

送珪老住普照

結屋綠崖地苦慳嘉名猶記壽丘山萬
家不隔高人眼日月東西見往還

贈沈術士號金腰帶

萬釘寶帶誠堪羨七字詩成喜欲狂世



事浮華有真趣贈君一笑作行囊

湯參議惠蓮走筆以謝

蓮實同房若弟昆人情乖異不堪論只
今昆弟成吳越蔓草猶能庇本根

走筆送韓斯伯謁任廣文

芹宮競說廣文賢姓字高懸衮繡邊八
十老翁無失德一千弟子盍推先

題明秀軒

時趙虞卿新脩

波搖山渌浸雲根山壓波回不受吞鏡
面平開三萬頃當軒管領屬王孫

和劉聖與顧龍山探梅四首

玉骨冰肌淑且真只應姑射可爲鄰東
風次第吹桃李輪與儂家第一春
暗裏曹劉可識真意行不必問比鄰天
涯望斷無來使占取山中自在春



山行未愜此情真
問訊寒梅到比鄰
但有疎花印寒月
不妨自是一家春
費盡鉛華總失真
色香清絕兩無隣
待渠經始和羹了
乞與無邊草木春

甲午秋作四絕題窓間

驛吏持來郡吏批
丁寧急急趁符移
兒童駭汗催科急
趣駕元來荷聖慈
明時一士不遺遺
臣子無才盍自知
騎

馬趨朝常處士
幾人笑誦醉翁詩
漆園逸氣貌雲霄
吏部英詞揭斗杓
未用雞虫分得失
笑看鵬鷄兩逍遙
聯翩銜尾下深溪
又是當年竭澤時
玉燭均調何日是
春陵三嘆次山詩

贈凌山人二首

星冠鶴屐贖威儀
新納官錢得度歸
慙愧三茅老兄弟
一生木石草爲衣



百鍊靈丹手製成等閑騎鶴上青冥
緱山自有來時侶莫羨遼東化鶴丁


凌本李居士弟子今師丁道
士故云

贈齒醫魯生

曾過當湖好事家園池髣髴記豪華
老來只欲甘藜藿乞我仙方固齒牙

次李秀崑鶴溪詩四韻

淒淒寒日漾溪流獵獵西風送客舟
勇退端爲天下計留行誰爲聖王謀
忠謀袞袞要須殫幾度敷陳舌本乾
夜半會思前席對天遙毋使此心闌
少年意氣十分強河廣期憑一葦航
老去結廬漁舍畔笑看鳧雁往來忙
稻粱初熟社醅香草草盃盤不着行
別後書來煩記取綠陽堤畔水盈塘



賀直參政因以爲戒然

名賢得位古來難君有
高名字宙間願率衆星環北極要令百世仰西山

聞田老死于臨安

見說眉厖質粹温他年準擬大吾門可
憐不識家翁面虛作人間一世孫

送鄭節夫

盛年已去壯心闌此別懸知後會難願

使乾坤同日月不妨閩浙異江山

東西崗諸李謀復宏詞墓

前朝流派日星明聖代殊科更策名遺
骨未寒丘壟廢可能宗黨不關情

書湯兄詩卷後并呈丹陽大夫

三首

明月韶光斲社湖發揮千載賴耆儒清
江曲就無人識來往橫塘一鄙夫



令尹胥襟隘五湖狂言時肯聽迂儒未
知他日翹林館可着當年鄭介夫
長安未必勝江湖盖世功名後大儒三
事便應登蜜令一廬我欲伴樵夫

走筆謝王老大惠花牋

璀璨金魚學士牋玉堂落筆起雲煙半
生野外扶犁手乞與真如擲道邊

題子登姪環綠齋


竹樹回環一畝宮紅塵不到綠陰濃堆
前祇有書千卷善後懸知祿萬鍾


題槃齋

不到槃齋十一年舊時梧柳已參天應
乘天上浮雲去忍看梁間淡月篇

題劉文簡所藏墨梅卷


煙雨和晴宛擅場新來翻着雪衣裳以
吾不可學渠可善學楊君祇此郎






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集卷第二

五言八句

雲邊偶成二首


月下浮舟去雲邊
曳仗行物華隨節換
人意與秋清
小圃蔬逾潤
荒叢菊向榮
幽尋元自好
底用絆浮名

地廣晚逾靜
山空月倍明
銀河橫灑氣
石澗伴吟聲
颯颯迎風葉
飛飛濕露螢



中央圖書館, NATIONAL CENTRAL LIBRARY, TAIWAN, R.O.C.

3452532 - v.2



歲華行晚矣爲爾一凝情

發紹興

留滯青春晚經行此日初柔條桑着眼
短穗麥生鬢竹外雲埋屋花邊水遶渠
箇中容我老肯遺子公書

天台道中

花重朝霏散鳥啼春意深風光自流轉
行役負登臨澗水流新綠山雲捲夕陰


病容兼白鬢漂泊此時心

馮公嶺

地隘山逾峻人勤俗不奢時培石上土
更種竹間茶接畛田成篆連筒水濺花
征塵如不到老我即東家

長林場海邊道上

海霧晚逾合海風春更寒衰顏欺薄酒
老膽傲驚湍叢竹人家近平沙客路寬



明朝應更好山翠撲征鞍

松江道中

又作松江夢重來泛短篷淡雲飛急雪
枯葉戰狂風煙末三家市波心一釣翁
鷗夷身計耳吳越等成空

同葉恭叔鄭節卿飲於趙子野

官舍

相望各千里相逢酒一壺交情貫金石

詩思灑江湖夜雨滋園菊秋風落井梧
歸歟吾有日聚散一長吁

偶成

木落山呈骨泉空水反源知時秋燕去
負日午蜂喧玉粒炊晨饒金英卧晚園
歲華今已暮身世兩忘言

試郭生筆

金華山中仙委蛇霜雪明君於何處得



束縛封管城大白直若辱脫帽甘沉冥
世有楊子雲猶堪草玄經

送傅守歸十首

以林園窮勝事鐘鼓樂清時


爲韻

煩暑歛清曉西風生遠林客懷感素秋
歸夢越千岑祖帳誠南門藹藹萃華簪
舉觴忽有贈去矣無還心

堂堂司馬公獨樂五畝園歲月坐成晚
花木亦已繁世事尚可爲石交有遺言
歸來默無語拊石弄潺湲

令行肅權豪仁施先困窮適此饑饉餘
喟彼杼軸空勞來窮人謀祈禳與天通
那得三百州落落皆此公

世念紛五兵當使道戰勝昔別稽山陰
風采臞而整重逢驚少壯神光爍衰病



一氣中夜存還丹噲葛令

永日來清風黃堂少公事憑欄一長望
千載幾興廢論功赤壁多語士此府銳
歸舟耿家具弔古足新製


金山故佳麗傑觀環孤峯對峙焦公廬
林杪出疎鍾南歸謝塵鞅北眺足從容
應持濟川手一酌擊楫翁

辨士變初說勇士衰再鼓向來東海濱

有士節獨苦歲晚兒女戀頗亦類張禹
堂堂裴晉公綠野能容與

仕至二千石富貴有足樂官爲諫大夫
亦足究所學蘭堦擢珠樹金闈聯棣萼
何妨赤松遊不負黃石約

濯纓滄浪水爲愛滄浪清明中興主
齋居方厲精疎傳不自惜決去鴻毛輕
濫觴爾何知咄哉檀長卿



北渚有狂士病卧忘四時綠暗知春晚
葉落識秋期西風日已高凝露方自滋
獨有歲寒心不負流水知

送梁伯暘歸括蒼三首


怒風駕海潮錢塘天下壯岷山浚源委
東下極奔放中橫吳松江煙波渺四望
歸歎太史筆優蹇九霄上
城關美少年三五事游治明當燭綺疏

寶香籠舞榭一朝黃金盡帷蓋羞狗馬
短檠有真樂行矣逢取舍

西北天馬駒墮地志千里暴生執鞭轡
解后渥洼水東來薦郊廟聲名藹千祀
咄爾駑駘輩局縮當愧死

雲邊偶成

樂歲饒嘉澤荒山徧有秋斷雲猶過雨
平陸自交流香飯炊紅軟嘉蔬薦綠柔



蠅營竟何事老我即菟裘

卽事有懷二首


千山收宿靄一氣藹金行爽吹舒澄碧
晴暉麗太清徘徊望前嶺徙倚步南榮
爲問葦鱸客何須身後名

濟世無長策觀詩嘆小明悠悠忘夜永
浙浙聽秋聲困躋監車驥飛騰腐草螢
幸逢偶然爾造物兩何情

儀真雍正見和因再用韻兼懷
儀真

北觀憑欄望西橋信馬行朋從有名勝
風物正凄清亂定人煙改春回草木榮
遙憐舊游處壞壁暗題名

久客憐之子寒窻幾晦明羈禽戀鄉國
來鴈尚邊聲事去雲成狗時來草化螢
未須論得失把酒謾忘情



和郡倅陳校書祈雨韻

麥隴收黃稿秧田欠綠滋三時猶好在
一雨未爲遲精意能先物神明敢後期
邦人孚至意可但不能欺

和羅權丞至日雪韻


臺上五雲紀宮中一線添天開三白瑞
幻出六花鹽宿麥猶期潤前山已見尖
應憐貴公子索句久巡簷

送張端袤攝簿建平

吏道貴更事君行非爲貧勾稽戾初意
疾痛繫斯民一日居須葺他年政若神
放舡秋水闊着眼看脩鱗

戲呈南池同遊諸兄

方池帶南郭勝踐及西風多稼天連碧
芳蓮水映紅漁歌來席上鳥影度屏中
想見垂楊裏詩成又一鍾



山行阻雪呈同遊諸友

幽尋本無急聊以會友生塵中妨劇談
故作林下行僕夫問歸路夜聞風雪聲
何妨小遲留妙理細重評

和前韻呈李果州


行樂非吾事朋從慰此生劇談忘夜永
起立緩盃行黃獨幽人供朱絃太古聲
他年盛山集不假退之評

送張端袤主舍山簿

計利無非利辭難枉作難驅車平路去
高枕此心安縣小勾稽易時危賦斂殫
好禪千慮失可使百憂寬

寄寶應丘大夫

制閩今元帥男邦舊大夫受成無弊事
直上有夷塗赤縣圖新入蒼生喘欲蘓
底須勞戰土城築守淮隅



卷之六
五
丁夷冬感懷寄趙章泉三首

楚塞仍多事
章泉鬪寄音
但知使徂詐
何意啟狼心
國勢時輕重
江流自古今
遙憐杜陵老
對雪幾愁吟

報國知無術
書空竟若何
淮山雲慘淡
鐘阜石嵯峨
高孝遺規在
梁陳往鑒多
癩憂徒爾耳
遠浦聽漁歌

我屋方茅下
君家閩楚交
鹿門知得計


燕幕未安巢
澗谷泉堪飲
山田飯可炒
應携靈壽杖
雪藥嗅梅稍

寄同年朱景淵漏判十首

以二人同心其利斷金爲韻

念昔從子游
金陵佳麗地
幕府盛賓僚
東南稱兩尉
子才清而通
我拙世無二
櫟社雖輪囷
靈根同晚歲

默數金陵友
在者猶四人
糾曹今別乘



法官駕朱輪千鍾已弗暨一念還酸辛
况我病所纏漁樵寄此身輪子曳朱紱
班衣奉慈親
當時最少年雪林紫芝翁詩名三十年
正復坐此窮落日澹平湖宿草鳴寒蛩
何時一樽酒往酌與子同

右謂趙紫芝汝淳

四海遊夫子粹學洞古今聞善亟推輓


常恐力不任時危係長才白日已西沉
拱木戰寒風淒其千載心

右謂游蕙齋九言

茂苑子周子慷慨憂時危斯文晁董流
炳炳日星垂言深衆所驚用淺才不施
穹窿山下笛懷人定誰其

右謂周正字南

滕子嗜古學萬卷作生計孤燈耿夜闌



盜畏不敢睨至寶世不售虛名竟何利
尚想古城隅幽花開繞砌

右謂滕賢良成

細柳真將軍勁氣可立懦向來拯時危
攻畧天下半屢詔不肯起出處懸自斷
十載山澤游萬念春冰渙何當求識面
介子同李閏


右謂周馬帥虎

古人重結交一諾輕千金嗟我與夫子
論交歲月深一別三十年兩鬢霜雪侵
願言益自強鴈來時寄音

題王荆公半山圖

歸來心事平蹇驢踏秋風舉鞭問髯奴
何如浣花翁道旁幾高松風來自相語
桃李今何之歲寒予與汝

喜延陵從事丙還任



聞道古延邑歡迎舊尹歸隣翁爭掃舍
學子競牽衣贈喜陳編在還欣俗物稀
樽前重懷想葵日映清暉

題戴氏稼庵

小泊尋前約周行得偉觀乾坤開玉宇
日月走金丸高岸城池固平田井牧寬
京塵障遊日從子稅征鞍

題茅山潑墨池慶雲庵

路轉幾山腰地尋雙海眼澗咽呂公泉
橋橫蜀道棧主人去不歸山空春事晚
何時具蔬筍開門延客飯

寄宜興趙大夫二首

勝地古陽羨清才今長官能令三害遠
坐使四民安勿謂時無幾仍防弊有端
做成循吏樣傳與世人看
去接鷺行侶猶憐鶴髮翁連翩致嘉實



多旨薦清空，往見孤成約。酬知有朴忠，
金張渠爾耳。相閱自清風。

苦雨遣興

老去身何有時危，念苦深朝陽方借煖。
宿靄又成陰，梁楚安巢少。關河去鳥沉，
誰歌出塞曲。慷慨百年心。

答王真卿邀遊山

墨池催勝遊，虞卿枉直蹟。我行浩無期，


君歸定何日，非憂年歲晚。自嘆機會失，
空煩日卓午。蔬飯滿香積。

碧雲即事

唧唧秋蛩鳴，耿耿秋夜長。簡編負初心，
枕簟怯新涼。朝曦入疎牖，宿雲散前岡。
歸歟一葉舟，浩歌聽滄浪。

送黃竹礪

湘流不盡恨，楚客賦離騷。世已殊於古，



君奚竿所遭羈懷便酒聖野興挾詩豪
醉裏擡詩眼山空月色高

雲邊喜潘兄見訪

年衰病愈難學廢朋來少聞子剝喙聲
慰我精廬悄高談極今古遠識到微耿
願君緘此言勿貽俗子誚


漫塘劉先生文集卷第二

漫塘劉先生文集卷第三

六言八句

題真州廣惠倉倉即故舡場居
南樓及天寧寺後中有大池塔
影浸其中

浙浙風搖叢葦霏霏兩弄新晴坐對江
南山色往來無限離情塔影參差波面
歌聲宛轉樓頭已負少年行樂更輪衲



君奚竿所遭羈懷便酒聖野興挾詩豪
醉裏擡詩眼山空月色高

雲邊喜潘兄見訪

年衰病愈難學廢朋來少聞子剝喙聲
慰我精廬悄高談極今古遠識到微耿
願君緘此言勿貽俗子誚


漫塘劉先生文集卷第二

漫塘劉先生文集卷第三

六言八句

題真州廣惠倉倉即故舡場居
南樓及天寧寺後中有大池塔
影浸其中

浙浙風搖叢葦霏霏兩弄新晴坐對江
南山色往來無限離情塔影參差波面
歌聲宛轉樓頭已負少年行樂更輪衲



子清幽

送陳內機弃官還

一官已判歸休五斗何須外求違已莫
詢日父折腰免見督郵身寄紅蓮綠幕
夢餐翠栢丹霞歸去聊尋舊隱功名盍
付渠家

漫塘劉先生文集卷第三


漫塘劉先生文集卷第四

七言八句上

代賦壽

寧宗潜邸

聖學家傳自有師更羅英俊疑經帷治
功尚論唐虞際政體寧甘漢晉卑猥向
梁園陪末至敢憑堯歷記佳期羞囊已
辦詩千首準擬年年薦壽卮



子清幽

送陳內機弃官還

一官已判歸休五斗何須外求違已莫
詢日父折腰免見督郵身寄紅蓮綠幕
夢餐翠栢丹霞歸去聊尋舊隱功名盍
付渠家

漫塘劉先生文集卷第三

漫塘劉先生文集卷第四

七言八句上

代賦壽

寧宗潜邸

聖學家傳自有師更羅英俊疑經帷治
功尚論唐虞際政體寧甘漢晉卑猥向
梁園陪末至敢憑堯歷記佳期羞囊已
辦詩千首準擬年年薦壽卮



蘇軾

和直州太守營屋新成之韻三

首

長淮清晏久無虞官舍人煙已復初共
喜輿圖方日闊詎應卒伍尚星居四營
分創因遺趾百堵周圍列聚廬武備既
嚴軍氣壯豈專捍禦莫州間


東南列將謹防虞尚記熙寧變法初一
自胡雛飲江水遂令卒伍雜民居炊煙

不斷雲橫壘清夜無譁月滿廬妙用獨
推賢太守征徭几不到鄉間

經始南風詠有虞落成候筭報秋初連
薨盡撤編茅舊萬竈重新列屋居千里
只今成保障一屨誰復等遽廬何人袖
出如椽筆爲寫豐功揭里閭

和淮漕八月十四夜月詩二首

清涼景界限塵紛玉宇從容靜夜分欲



滿尚慳今夕月乍舒還斂北山雲孤光
翻動枝頭鵲餘暈潛驅草際蚊好處欲
言人不解湛然天宇印心君


長淮百穀慶西成萬里何妨此共晴霖
兩向關天下望月華猶幸晚來明要看
玉宇清光滿聞道銀河此去平邂逅西
風輕借力夜深桂影更敷榮

中秋月有雲翳再用韻

孤城急鼓轉嚴更步履中庭午夜晴人
世昏昏同夢寐使星耿耿伴清明雲開
霄漢光華遠望極關河眼界平想見登
臨無限意此身那復詩浮榮

儀直和同官韻二首

先生文采似班揚俗子何能較短長顧
我未知全璧否期君聊復善刀藏壯懷
欲寫須更僕勝日能來對舉觴青紫不



須分失得舊游多少困槐黃
簿書塵裏見斜陽握手論心味更長何
日山林共歸去故園花竹可迷藏顏徒
自樂一瓢飲漢殿爭陪萬壽觴馬革裹
屍成底事要須高卧到羲皇

北固山望揚州懷古

北固城高萬象秋煙竿一縷認揚州試
乘綠漲三篙水要見朱簾十里樓淚濕

宮衣朝霧重愁薰寒草夕陽浮墮堤舊
事無人問兩兩垂楊繫客舟

懷林維國二首

予學宦金陵得三山林維國
邵武任伯厚吳門朱景淵發
女葉潛仲爲之友相得歡甚
維國知我愛我視他友爲甚
惟恐予有過差一夕四人相




會於潛仲解舍抵足達旦始
各自誦所短而誦人所長終
也自言其長而誦人之短遞
相規益其友愛如許維國去
金陵未二年終於永嘉予亦
離群索復居無朋友之益辛
酉十月初五日夜忽夢與維
國遇如平生歡覺而悽然成

二詩

四海論交二十年知心一見似前緣情
親尚記通宵語忠告難忘送別篇夢入
蓬壺重會面座看書史尚堆前應憐廢
學從農圃要使留心在簡編

尚記升堂拜母時滿前兒女競牽衣鳳
雛想見今成立鴈序遙聞已奮飛身後
聲名終不朽家傳詩禮足相輝傷心白



下金陵道無復斑荆話昨非

送友人赴省

月滿千門夜未央
憶陪多士湊文場
露將寒透銀袍冷
興與秋來筆力剛
十載轉頭成昨夢
一身爲客尚他鄉
爲言桂苑聯鑣客
要折高枝壓衆芳


送趙子野歸

秦淮契闊幾經春
釣月臨風入夢頻
萬

竈無譁新號
令一樽相屬舊慙
綠波南浦
予回棹落日孤城
子問津聚散雲
萍渾若此
臨分一笑大江濱

送恭叔兄赴省二首

秋薦吳江北
雁來幾看文陣
奪標回鷁飛鵲
喜情何限
龍化鵬搏兆
有開吏部定知當
一得大庭端
可壓群才
春秋正學非阿世
莫作公孫愧草萊



踰驥長慙馬不前者鞭何意在君先須
懲牛後羞餘子獨占鰲頭下九天上苑
未須誇得意道山共擬便登仙雖然富
貴浮雲等要使功名在簡編

過蘭亭

茂林脩竹翠參天一水西來尚折旋欲
泛羽觴追往事悵無嘉客繼前賢短章
回寄二三友勝踐堪尋八百年笑拂蒼

崖題姓字爲言曾此掬流泉

喜王節夫過訪

我方卍角子勝冠我老君猶鬢未斑可
但孤生多疾疢也輸華館富清閑交情
敢忘鶯求友野性終便鹿在山何日歸
歟同里社杖藜來往翠微間

用韻寄陳仲思聞有詩它贈而不見及



之子才宜解豕冠我纔童卯即窺斑溟
鵬已擊三千里天驥猶遺十二閑五字
飽聞傳有位尺書枉用到窮山春風得
句能相寄待我猶存季孟間

再用韻戲答陳仲思


一讀新詩一解頰天孫機杼錦爛斑致
師自昔能無語瞥眼君宜付等閑風定
波濤收萬壑雲歸紫翠出千山論交早

歲今華髮少有猜疑愧兩間

賀陳子揚致仕追贈父母二首

一念平生在報親九原今日喜追榮鼎
來天上維新渥足慰人間罔極情康樂
弟兄傳絕唱胡威父子擅清名君家盛
事人難及倦客聞風亦眼明

一笑相逢意自親別來庭樹幾枯榮流
傳郢客陽春句想見鴟夷萬里情賈傳



才能通國體
柳州文字占
時名何如一
棹洮湖去獨
泛滄波弄月
明

代李居士謁王去非制幹三首

家山目斷古
幽州百口來
歸路阻脩丁
字無端輕介
冑蟬冠却羨
出兜黎箕裘
忍墜先人業
甌石誰爲客
子謀不惜饑
寒同一死南
來恐作北人
羞

僑居無地寄
生涯布襪青
鞋着處家太

乙虛舟想蓮
葉玄都活計
問桃花不堪
衆稚貧爲累
坐使孤生髮
半華儻許侏
儒均賦粟不
妨老子自餐
霞

一來寒谷轉
春風百萬喁
喁說此翁坐
見西州成俗
阜忍令北客
尚途窮籌邊
聞道無遺策
幕府流傳已
上功便有細
書催入覲早
回生意一言
中

寄潘子善上舍



陳少陽率太學生伏闕上書
六賊遂退天下快之少陽猶
以後書論李邦彥白時中等
言不用拂衣去近太學伏闕
書是歟非歟非山間林下所
得知獨怪朝庭不用其言諸
君猶苟安於學豈以靖康時
事視今日緩急異耶爲賦五

十六字質之同志者

少陽一疏折群姦拂袖歸來日月閑誤
國小人猶法從叩闕諸子自賢關是非
頗亦通千古義利那能立兩間若向西
湖浮畫舫好傾卮酒酌孤山

送邵監酒兼東儀直趙法曹呈
潘使君二首

儀直來往幾經秋風物淮南第一州山




勢北來開壯觀大江東下峙危樓沙頭
縹緲千家市艦尾連翩萬斛舟去去煩
君問者老幾人猶得守林丘
十萬流離仰二天淮民只說使君賢向
來積貯知無有此去規模要有傳幼學
可能專權酷遠猷無惜助籌邊公餘更
向髯叅問今賦梅花第幾篇

懷徐表兄

一笑相逢句曲天別來十五換流年忍
思渭上瓊瑰詠無復通泉寶劍篇北渚
春回芳樹合西山日暮碧雲連鴈來數
寄平安信無限相思若箇邊

偶題雲邊

桃花山下水流長花不長開水自香此
地正須招隱士山菴聊復對崇岡屏幃
繚繞竹千箇旌纛森嚴栢兩行士會不




生今已矣不妨閑處且徜徉


送友人

年來去客半西東
須信勞生等轉蓬
萬里相望成別恨
一聲何處遞冥鴻
人情對景分憂樂
月色於人豈異同
莫把壯懷成索寞
舉盃聊與吸清風


漫塘劉先生文集卷第四


古書流通處





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




劉漫塘詩集卷第五

七言八句中

毗陵邂逅京口同舍湯叔厚


雞犬相聞里社同琴書曾共客儒宮南
樓夜醉三更月北固秋吟萬里風去魯
羨君勤採藻游吳愧我尚飄蓬相逢便
與論心曲莫笑依然舊阿蒙

和張寺丞謝惠河鮑韻二首



國家圖書館, NATIONAL CENTRAL LIBRARY, TAIWAN, R.O.C.

3452533 v.3



先生盛德信光亨微物將誠愧晚生春
岸正當餘兩過寒江尚想小舟橫一盃
走送慙遲暮兩舍相望欠割烹未必甘
芹解知味王公當諒野人情
鼎來佳句仰謙亨春入池塘草正生清
夜擬陪簷兩酌暮天應對碧雲橫逍遙
荏叟一枝穩富貴齊人五鼎烹戟衛肅
迎揮手去蘓州應愧此時情

和傅侍郎鹿鳴宴韻二首

向來北固萃群英可但江山擅美名秀
氣中間空畚築斯文今日遇權衡歌成
白雪傳新唱帆飽西風趣去程會體使
君珍重意不專車馬羨栢榮

先生讜論在延英早歲金甌已覆名自
古正人羞枉尺祇今公論有持衡九重
聞道將飛詔一水何妨緩作程莫笑田



家去天遠春來野草亦敷榮

和湯叔永二首


魯人豈解識東丘夫子猶懷去魯憂公
論世間誰了了德人心事本休休致身
官路雖非遠回首家山盍少留三徑未
荒松菊在天涯多少望鄉愁

底須彈鋏嘆無家自有詩人賦子嗟平
世豈應遺燭武暮年安可傳長沙爲鄰
幸賜千金諾進德相期一簣加欲泛五
湖觀浩渺興來還可共浮槎

送姜君玉赴省

樽酒論文弱冠前交情老去只依然
又荒三徑無來客細撥清燈話昔年
少日功名誰汗簡舊游江海半華顛
君行試問都門柳幾送銀袍上九天

送彥與孫兄赴庭對



捷書夜到古朱方之子登名甲乙行偉
行向來高月旦遺經端合破天荒公孫
對策風雲會董子留名日月光趨向一
分燕越異贈言有惟用心剛

夢使高麗到東海口占


夢魂飛到碧霄東日出扶桑萬丈紅窓
戶矐矐開曉色園林淡蕩已春風時平
正使車書混天遠那能玉帛通萬事悠

悠均夢爾一樽聊與故人同

代柬答合肥蘓刑曹兼呈淮西

帥同年趙寶謨二首

青衫擬椽襲芳塵短褐歸來理釣緡二
紀期君紹先烈一官投老祇參軍宦情
自與秋光簿公論猶期歲晚伸見說宗
工好風鑑薦書何日到嚴宸
聞道中原百戰餘遺民億萬企來蘓浪



言恢復直踈矣絕意懷來亦可乎北望
淒涼皆故土南來睥睨幾狂胡祗今淝
水山川改寄語元戎盍遠圖

宋友人


凜凜霜臺起事功脩脩三徑任窮通幾
因節物傷離別無奈行藏苦異同白露
感懷悲杜老黃樓得句憶坡翁鴈行何
日齊飛去岸幘相看酒一中

東施上舍

萬里秋光酒一中別來木末幾西風懷
人袞袞東流水問訊冥冥北去鴻愧我
形容難似舊喜君意氣尚摩空逢相莫
怪深相問一笑猶疑是夢中

代譚與可謝石大夫鄉飲酒

大夫舉酒屬青衿八十衰翁亦許臨要
向席間明厚意敢辭酒半效狂吟持身



勿使虧名義學古還須探聖心
元日習鄉君解否須知齒髮易駸駸

勉王甥


莘野淒涼渭水遙事功無復在漁樵
但令一第先餘子自可清名動聖朝
禁路家聲猶赫奕詞場筆勢已嫖姚
夜窓燈火秋來好莫嘆辛勤髀肉消

送鍾元達赴餘杭

知音十九在巖廊姓字高懸日月旁
視草祇今虛省署種花聊復向河陽
困窮已甚情當察富貴徐來味更長
梵宇僊宮最佳處詩成數寄水雲鄉

送王去非入餉幕

春歸花藥尚紅酣送子脂車馬在驂
幕畫向來多實用事機今可付常談
學方用力須千百事或當仁勿二三
別後欲



知漁釣處五湖水共澄涵

兩後口占呈陳校書

下田已漫高田槁太守來遲歸苦早忽
傳亞倅府中來太守停驂尚精禱前日
應禱五日期今朝好兩隨車歸遲速有
期君解否太守束裝留不久


送石令君

攀轅父老雜兒童十載重欣見此風可

但三年方論定亦由去日與初同一塵
不染冰常瑩萬折難回水必東正直自
應神所介人心况有是非公

和羅權丞尊經閣元日觀雪

億萬饑民久籲天天開上瑞豈徒然深
潭龜拆寒莎底淺土蝗遺宿麥邊厲氣
已消除日後祥翼飛墮曉風前醉吟樓
上瀛洲客爲記三登第一年



送衛汝積歸句曲

汝積歸路過獨樓岡入亭子
谷二處相去里許岡下瞰數
百里丘陵川澤若錯綉然谷
中縈紆峭險下有流泉疑有
幽人勝士常建樓岡上以極
臨眺着亭谷中以貯幽勝以
其亭多而樓獨故相承曰獨

樓柳子厚所譜游之道二曠
如也與如也此蓋兩得之歲
久樓傾亭廢而名尚傳若鐵
壚步然山居皆樵筍之人無
能解其義者遂意獨樓爲闕
體而以谷爲孔是又與小姑
嫁彭卽同義吁可嘆也因汝
積路出其間爲辨證以刷是



岡之耻

樓岡亭谷萬山西縹緲炊煙出翠微歸
路正當清書永離懷莫悵白雲飛學醫
要使人無費問道須知昨已非好向庭
闈商畧此短章中或有玄機

送杜尉秩滿還天台


眼看時事廢因循官路三年子獨勤袖
有新詩頻教我邑無長策可留君向來

過計憂周隕此去何時靜楚氛未必詩
書盡虛語勉哉行矣張吾軍

送羅季能還延陵鎮

眼底紛紛利欲昏君心當與哲人論俗
塵不染脩莖露世味逾輕太古尊朞月
此來當歲儉寒冬何地不春溫幡然不
憚延陵去季子清風百世存

謝朱仲玉二首




君家只隔小橋西
幾度占星望少微
已向龍墀擢大對
不應鸞翼尚低飛
杖藜喜逐先生後
斂板誰知故我非
欲學丘江吟短句
錦文試覓景陽機
夫子知名浙水西
妙年與學洞幾微
一官簿領身如寄
萬里雲霄步若飛
詩苦何妨同杜老
說難終不羨韓非
擬酬白雪陽春句
原借天孫織女機

仲玉和前詩見贈因再用韻

官倉出粟徧東西
多謝朱公念隱微
但覺閭閻猶菜色
不知園囿已花飛
當年國論無同異
此日民言有是非
天上鴛鴻方刷羽
海邊鷗鷺已忘機

謝湯生惠酒和來韻

聞道吾猶及老成
高秋離索不勝情
朋緘已喜賢從事
二缶那堪對麴生
多病



吾今同退鷁壯懷君可掣長鯨能來共
醉西風否木落千山夕照明

奉酬友人登多景樓見懷

雲橫不斷古神州縹緲河山總戍樓此
地幾經人北顧長江不住水東流犬羊
萬里知離穴稻蠡三吳正得秋人事天
時多錯忤一盃聊復潤吟喉

代書答龔楚州

使君問政及郊扉病叟何能措一辭積
粟晁生直至計屯田充國亦良規將權
可與他人共德意須令舊壤知聞說鹽
城有真令相逢爲說每相思

漫塘晚望

霽色催雲作晚霞小橋却立岸烏紗兩
餘菱芡新抽葉秋早菰蒲未着花燈影
微茫行客艇鐘聲縹緲梵王家沉吟索



句輸公等我欲臨流理釣槎

寄陸大夫

寄語金困陸大夫歸田相府竟何如提
兵劫取已非矣縱火燒殘豈義歟百口
喪身端自爾千錢酬直殆欺余放翁舊
隱佳山水賸好歸歟理故事

送鍾元達倅濠

喜見茲歌近帝京又分風月向邊城時

方急士國家計事不辭難臣子情塞下
規模晁御史湟中勲業趙營平君行試
與重商畧烏鵲南來數寄聲

送平江趙法曹

舍科天上耿星辰丹筆年來有屈伸子
去平反共毋笑民知寬大頌君仁祇今
茂苑題輿客曾是瓊林合席人若問殘
生煩寄語扁舟長占五湖春




漫塘劉先生文集卷第五

漫塘劉先生文集卷第六
七言八句下

送黃子弘歸吳門

亡友周君南仲嘗爲余道其
里中黃子弘之賢又爲子弘
道賤名南仲沒且三年子弘
始來訪予於漫塘感今悼昔
欣慨交心其行也賦五十六




漫塘劉先生文集卷第五

漫塘劉先生文集卷第六
七言八句下

送黃子弘歸吳門

亡友周君南仲嘗爲余道其
里中黃子弘之賢又爲子弘
道賤名南仲沒且三年子弘
始來訪予於漫塘感今悼昔
欣慨交心其行也賦五十六




字且徵後會

玉樓工就故人仙
宿草離離起暮煙
曾說項斯誰復記
尚懷中散子貞賢
鼎來窮巷方今日
勝讀殘編已十年
西望猶能話離索
秋風來共釣魚舡

代邑士上趙百里

趙大夫十月甲子試補縣學
諸生與潘少府謀以科詔在

近倍增生員以來承學明日
乙丑市民將奉淫祀鼓惑羣
聽復檄少府榜笞其人毀其
像而宣諸河夫教莫先於養
士化莫大於明民而二日之
間善政兼舉可與文翁興學
韓愈關邪儷美匹休某等忝
與諸生謹成小詩以謝



美矣吾邦此大夫仁中有勇信今無治
侔東里興鄉校政壓西門送女巫謀廣
生員來共學力排淫祀警群愚一陶風
俗成醇厚千古聲名泰華俱

社日僧舍風兩

借蔬香積共晨炊客裏良辰總不知孺
子從渠均胙肉南翁無處聽巴詞神鴉
得志飽終日巢燕有心來及時風雨聒


人聾轉甚半鐘濁酒可能治

寄題戴氏別墅

聞君築室水雲鄉一榻翛然獨老厖近
挹荷香供几案遠邀山翠入軒窓自歌
自笑遊魚樂時去時來白鳥雙何日過
門成夜泊一樽相與對銀缸

和趙龍圖鹿鳴宴韻二首

勸駕丁寧自漢興禮行郡國玉鐙鳴使




君珍重新開宴多士連翩喜策名月窟
一枝傳好信風帆千里送脩程主賓後
會君知否紫囊青袍對寵榮

預宴當年記夙興笙歌堂上正和鳴別
來幾送龍門客去後空題鴈塔名糜鹿
群中便野性蝸鳩飛處笑雲程羞肴也
到茅簷下磊塊堆盤里社榮

和趙章泉見寄二首

先生人物眇應劉千載詩亡獨泝流五
字還堪薦郊廟一官何事老林丘章泉
樂處知何似南澗良朋亦健不欲拜龐
公何日是夢隨飛鶴過山頭

平生暗裏識曹劉眼底誰爲第一流錦
里正應推老杜魯人亦解說東丘騎驢
頗忘推敲否上馬還能矍鑠不此去想
思君會取菊黃梅藥上枝頭



用韻煩蔣延陵寄前詩至章泉
之子交游柳與劉摯來聲聞水東流懸
知此去居二館可但當年記九丘滄海
狎鷗猶好在紅塵沒馬肯回不短篇爲
寄章泉老莫聽浮沉付石頭


謝章泉再以前韻見寄二首

白社相從遠與劉可憐衲子溷儒流自
嗟達巷知夫子緬想諸荀從太丘書寄

洪喬空爾耳詩編杜集可容不前山底
處堪長望我欲携筇上上頭

解印歸來白社劉風流靖節許同流詩
來幾說鶯求友老去自慙狐首丘會合
由來天幸耳躬勤還識我心不春回是
處堪行樂能復携錢掛杖頭

書賢從事我非劉傑句君爭萬壑流擬
學岑參酬杜甫可能列子識壺丘倦游



審已懸車矣問字猶多載酒不無限相
思梅發處手摧殘雪嗅枝頭


和邑大夫勸駕韻

自笑當年躍冶金老來文物見彬彬登
名已喜多三邑擢秀懸知敵萬人晴日
琴堂開燕好春風瓊苑拜恩新惟餘卧
病江湖客坐看聯翩對玉宸

送張端衡尉句容二首

梅仙西上古仙鄉梅蘂先春特地香自
是邾人聞魯柝懸知晉盜避秦疆名山
久合清蕪穢窮巷猶聞缺蓋藏惠政由
來要全美須君努力佐琴堂

去鄉喜見似鄉人君去家山祇比隣令
長垂髻同里社交承握手記城闌絃歌
堂上寧忘舊樽俎筵中必告新若也從
容問無恙爲言魚鳥已情親



送王去非服除造朝

疾風吹兩洗塵寰北渚津頭水沒灘千
里送君黃鵠舉一生笑我白鷗閑清名
已至雲霄上逸氣還充宇宙間此去西
湖重回首淡煙疎柳認孤山

送張晉望倅湖州


風月平分古治中掛帆直指水晶宮祇
今第宅多親貴自昔閭閻有阨窮勿用

彌縫垂直道毋煩歌舞競新功舉頭見
日長安近詔入元非藉子公

代東寄張端衡

句曲山頭白鶴飛遙憐綵棒正宣威仙
家有喜迎仙吏客路無塵點客衣月澹
郊原從犬卧秋高籬落任雞肥子直東
野齊名在莫向西風苦念歸

爲布金寺僧慧鑑作呈趙守



老樹槎牙記佛廬露啼蛩弔百年餘鼎
新堂殿誰爲此壯觀林泉我弗如身上
無華惟布縷盃中舐味祇山蔬野僧勤
瘁能如許罪或無多乞赦除

送高桂陽之任二首


清才寧合駕緹車天上新分竹使符此
去專城重摩撫向來涉筆幾嗟吁南州
想見歌何暮北府猶聞戒疾驅更恐掖

垣須敏手未應千騎出重湖

一笑相逢此道同別來木末幾青紅自
憐老去北窓下猶得身棲廣厦中良夜
擬乘千里月神山竟隔一帆風贈行更
愧留行者遮道歌翻別駕功

和趙章泉寄詩韻

來詩有常爾孤高仰廬阜忽
焉並命出容臺之句自揣何



敢當此謹次韻以謝

索居靈瓊久塵埃一讀新篇病眼開
妄意嚴詩編杜集敢陪郭隗上燕臺
紆朱晚歲徒云爾養素平生壯矣哉
更許韓非書傳尾遺榮何止被雲來

次姜君玉韻且賀北古新居二首

車來流水馬如龍北上精籃西復東
雅

意只貪山在近高標誰與子相同
門開正好來三益支就何妨送五窮
擬向巖前分半席可能闢地着隣翁
門外青山跨伏龍山頭未曉日生東
竹林已喜王戎近蓮社還堪惠遠同
盛事正應符地勝清才豈必坐詩窮
欲成善頌陪張老自笑尊前一禿翁

送張端豪赴潘葑



汲取人間第二泉
釀成天上酌神仙
渠儂得此良佳矣
我輩爲之或未然
職守近來成漫浪
湖山佳處且回旋
向陽花木逢春易
會取聲名動日邊

和柴監

之子通才不受拘
妙年文史足三餘
司征關市方共二
宴啟華堂正樂胥
錦帳笙歌香霧繞
禪房風月夜窻虛
後生取


舍能如此問信寧
非遠器歟

學門肇開爲諸兄賀

幾年鬢宇傍城隈
禮樂文章蔽草萊
遠道一朝隨地闢
宮墻數仞倚天開
舉頭日月清光近
入眼湖山秀氣來
寄語鄉邦頭角士
龍門此去會風雷

和尤伯華廣德使君怡亭對兩

二首




之子胷中不外營軒亭水到自渠成詞
章妙處窺騷雅師友平生祇弟兄元凱
一門兼衆美夷齊千古擅雙清新詩有
贈不知報衰拙如余盍負荆
軒亭闔爽喜新營燕雀應來賀屢成樽
酒兩忘賢與聖韋編相對弟和兄詩如
綉段從頭好人似冰壺徹底清寄語金
昆同石友道逢何日許班荆

勉張兄立民作詩

翛然風骨一臞僊誤走紅塵逐世緣亦
欲名同天壤壽且須句與日星懸後湖
廢沼生春草南郭遺墟起暮煙聞道錦
囊時有得故山花鳥亦欣然

趣劉聖與寓玉甫桂墅

門外平湖百頃寬庭前翠竹繞欄干鳥
啼花笑四時好几淨窓明六月寒贖可



琴書供晝永不妨絃管到更闌留行莫
爲歌楊柳作計應須趁牡丹

送戴子家歸永嘉


君住柵溪第幾山我家北渚水雲間二
千里遠來非易三五朝留勿作難有子
已知頭角異安心寧恤鬢毛斑尺書頻
寄問無恙共樂生前日月閑

癸未寄王甥

別時庭戶正秋清劃見園林翠織成吳
下余思頻刮目渭陽子豈遂忘情堤間
飛蓋分垂柳水面浮舟約半萍乘興時
來共清話相望能隔幾牛鳴

贈尤丞季端

冠製殊常袖更寬風流王謝出長干筆
端雲錦呈天巧笏次冰壺挹露寒未許
歸期占信宿想應喜色動門闌賢昆自



有長生術爲覓仙家九轉丹


讀張氏義莊畫一寄持甫輅院
叔世誰憐族派同高情真有古人風宗
分大小稽周典惠匝親疎比范公二頃
開端能不吝一編垂訓可無窮欲書盛
事傳千載預愧衰孱語不工

再韻謝張持甫過訪二首

甕牖篝燈一笑同地爐燒火愧家風論

財以義輕浮俗論道歸儒識至公行異
於時方易沮理趨於數要深窮老來狂
斐君無誚他石猶堪付玉工
道自周衰說異同眼明伊洛振遺風過
人高行非難事入聖微言本大公道在
鬼神常共在術窮天地本無窮三才並
處知君否不爾何裨造化工

賀趙居父登第



詞場聞奪錦標歸好是班衣映綠衣永
日湖山供賞咏好風宮殿正清微堂新
六桂光宸翰庭秀雙芝煥彩闈肯向長
安誇得意妙年伯玉已知非

碧雲即事

塊坐經年不入山山僮拍手笑衰顏登
高猶喜心期在望遠還驚目力慳歲月
蹉跎誠羈旅煙波飄蕩幾惓惓朝來舊


雨添新雨誰識安危指顧間

秋闈後勉子姪

我生場屋慣周旋得失從知豈偶然天
理先須盡人事時文端的本塵編日烘
甕牖朝先起雪壓茅齋夜不眠萬里夷
塗從此去着鞭寧怕祖生先

寄范黃中運管

鐵甕城中十萬家衰絃促管競繁華晝



長獨有揚雄宅天遠空浮博望槎
讀罷離騷想芳草吟成梁父對菱
花客來莫問行藏事且共廬全七
椀茶

奉送諸兄謁府


男邦養士擬侯邦師帥寧分彼一
方明辨正須煩幕府作成庶不異
州庠紫金山迥連三島甘露樓高
俯八荒六代豪華猶在目停橈毋
惜小徜徉

甲午至節後同諸兄入市歸有感

七十衰翁入市歸感今懷昔淚沾
衣人稀舊識若猶是俗競新華質
已非九府泉慳誰改作五材兵去
孰防微西山不屬銀緋客只合高
歌詠采薇

贈陳內機

學詩常擬邵堯夫問道曾謁楊慈
湖堯



夫之詩呈太僕慈湖之學澄太虛羨君
優游兩者間傲視軒冕如躡廬何時從
我山中居絕勝泛綠依紅渠

奉送友人入京


郭內無田負郭居酒中有趣酒尊踈波
間屢聽濯纓曲架上時繙植樹書萬里
長風摧岸柳一天清露屬園蔬故人欲
問平安信爲說年來頗宴如

雜言

開禧紀事二首

泥滑滑僕姑姑喚晴喚雨無時無曉窓
未曙聞啼呼更勸沽酒提壺蘆年來貴
無酒沽

婆餅焦車載板餅焦有味婆可食有板
盈車死不晚君不見比來翁姥盡餓死
狐狸啜骨烏啄眼




漫塘劉先生文集卷第六


廿六

卷第六



國家圖書館, NATIONAL CENTRAL LIBRARY, TAIWAN







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集卷第七
長篇詩上
儀真呈友人
近聞李郭舟送徃涉重湖我欲與之俱
鷓飛過宋都死生見交情嗟我失東隅
歸來整杖屨顏厚見彼姝念昔檐簷日
籃縷出無襦公子載與歸樽酒日相娛
所愧身爲客如彼繞樹烏食苹鹿在野



國家圖書館, NATIONAL CENTRAL LIBRARY, TAIWAN, R.O.C.



3452534 v.4




嘔啣呼其鬻鴻鴈稽來書提壺空勸沽
輸君山中行梅梢嗅紫萸又有好事人
開宴勤招呼鬪然弃舟楫躍馬問長途
嗟我困行役勝遊那能覩方今神聖君
南風歌有虞所須賢與能搜羅遍八區
公等梁棟姿咳唾王與珠尚從山澤遊
此理良可吁鬪思六月息豈即非南圖
料公賜環日禍轉當亡胡願借尚方劍

先斬張禹顯小子雖不敏敢效一得愚

章倉席上

官舍若幽居四圍山水綠中有超詣士
簿書厭拘束邂逅文字飲交契如金玉
朱絃發清音紋楸理新局一盃復一盃
夜闌更秉燭木落天宇寬蟬肥酒初熟
相期壯觀游憑高重送目勿令兒曹知
此味我所獨



東陽道旁涵碧亭


四山委蒼翠一沼湛清漣雲飛松竹留
石墮藤蘿牽泉音亂絲竹鳥語麋笑言
斯亭作者誰俛仰四百年棟宇有興廢
篇章足流傳官道紛往來此地曠周旋
乃知造物意以遺靜者便我來早曠餘
龜兆拆平田攀崖溯源委石竇鳴涓涓
摩挲兩石魚變化定何年

謝烏鵲

朝來不成寢啼鳥繞西東似欲砭我愚
無虞終有凶挽衣行太息飛鳴鵲當空
思欲慰我心正直神所容舉手謝烏鵲
憂喜當何從吉凶兩不到我在阿堵中


訪陳廷瑞有感

間維有常度曜靈無停輶翩翩葉辭柯
過眼綠已稠弱榦不盈尺忽已高岑樓



念昔過庭日朋來悉良儔我年未成童
子少無與侔我質本駑駘蹇步畏阻脩
子如渥洼駒猛氣已食牛當時二老人
笑語歡且酬門戶各有托寧計才與不
登門如昨日星紀踰再周二老安在哉
體魄歸山丘隔屋聞讀書玉樹鏘琳球
呼燈使來前秀氣炯雙眸問之垂九齡
屬對解冥搜感此傷我心淚下不可收


來者日已長逝者挽不留其間我與子
能閱幾春秋寧復青衿佩與子從親游
幸子齒猶壯有母方白頭刷鬪凌青霄
足勝負米由而我風樹悲耿耿何時休
四十已無聞過是夫何求矧復病日侵
見面良可羞竹實不療飢芟製非寒裘
躬耕苦勤勞代耕多悔尤學仙竟誰成
百年等浮漚俛仰天地間身世直悠悠



時雨漲綠池好風交平疇嚶嚶出谷鳥
汎汎川上鷗遇景適會心曠望聊夷猶
懷茅山寄句容江大夫

昔謁三茅君蹇步窮躋攀是時秋已高
爽氣簿千山二峯斂神秀突兀超塵寰
世變速狂秦風俗如鬣蠻舌在不敢語
冥默疑心訕咸陽貴公卿高門擁旗幡
牽犬上蔡門回首涕空潛積骸草木腥

流血川原殷所以三君子決去披榛菅
不以寸草榮易我白日閑徘徊茲山巔
放蕩紫翠間數窮會有歸山空水潺湲
高風起遐想徃躅芬芝蘭想此弄明月
想此發清彈茲壇梯玉京茲臺凝金丹
羣仙或朋來洞戶敞幽關縹緲鈞天奏
依約雲旗飜古澗會流泉點筆依石闌
遺墨墮中流染此亂石黥世情喜虛誕



一書之七
五
誰記誰能刪峭壁起道邊兩濕苔蘚斑
剥蘚訪舊題歲月猶斑斑當時往來人
逸翮超籠樊應期後千載綠鬢凋朱顏
御風遊汗漫騎鯨出頽瀾或乘白鶴歸
翩躚從妖媚寥寥竟誰成遺蹟空浩嘆
愚生百世下逐妄笑冥頑幽尋昔未極
雲卧衣裳單杖履陟層巘此懷今未闌
矧聞廊廟議出師銳除殘將軍賈餘勇

弭節期白檀已覺賦歛頻更恐戍役煩
聖主哀元元絡驛寬詔頒官守孤王明
根節滋吏姦擬追三君游物表寄衰孱
彼美江夫子拊字周惇彥寧甘催科拙
不使杼柚殫坐令句曲天忘此世道艱
儻許占一丘結廬樹墻藩渴飲玉井泉
饑挹朝霞餐永無垂老別寧憂行路難
寄書新過鴈一諾未應慳




松風軒晚望

遠山亞歸雲近山留夕照澄江橫淨練
怒風收衆竅東南佳山水北地宅其要
連甍二萬家金壁互輝耀閑房列歌舞
傑觀富登眺物理會有極却慮成悲嘯
我家三茅峯一室倚青峭下有荆溪水
水深魚可釣歸歟有成計靜坐觀衆妙
功名付公等連茹祇明詔他年間無恙

短策寄嶺嶠浩歌暢幽懷狂斐君勿誚
漫塘晚望

遠山亞歸雲黯淡與天一近山過餘兩
淨掃峯已出式喜鳩喚婦寧憂月離畢
檐簷彼誰子蹇步泥沒膝舉頭望天末
一笑失愁疾應知扶桑東明朝浴晴日
漫塘觀雪分韻得遠字

入臘甫自茲得雪殊不晚凝寒祛厲氣



積潤滋麥本清興浩無極步履忘足蹇
扣門呼石交頸縮語猶蹇挾携事登眺
南去還北反所向游目礙儻若虎就圈
歸來漫塘上四望與天遠簑重漁舟歸
煙橫樵舍飯稜層敞瑤池粲爛開瓊苑
玉龍擁寒城銀海迷疊巘頗喜漫翁貧
覽富逾北阮呼兒具杯酌採掇翻蔬碗
不辭多酌我自愧飲河鼯少焉歛夕氛

桂魄爭婉婉翻思造化工舒卷意難付
方其陰風壯一噫萬象偃聚將藪澤平
散欲天壤混混端疑冰山固可但拳石狠
及其遂離析去去不可挽日月麗太清
草木被餘煖區分鏡出匣渙散渠決堰
向來天壤間了不計增損吁吸一氣爾
人當解茲悃恭惟聖明君憂民中繼繼
方冬祈瑞應此足慰勤儉貴瑞不貴多



卷之七
直宰亦知搏公等調元手聖世須補衮
未應事閑曠崖壑憤棲遯我智拙於鳩
一枝聊自穩但喜占豐年努力務耕墾
崇禧夜坐以五十三不同爲韻

得士字

淮浙千萬山茲山鍾秀異山中四時好
雪景更佳耳危登俯八荒豈無超詣士
春游眩紅紫秋賞挹蒼翠衝寒繚冰崖

問訊世能幾山神出奇觀似慰遠來意
漫空飛六花匝地掩蕪穢頗疑群玉府
飄墮人間世又疑姑射僊與物洗疵癘
意行輒有得曠望了無際便欲呼雲車
御風駕六氣舉酒酌初平逍遙聊卒歲
簡張繫齋以國朝四君子文易

南華經

我宋百年間人物兩漢上堂堂司馬公




輿學邁舒向廬陵祖韓孟首以六經唱
升堂子曾子功亦孟氏抗荆舒徇偏見
晚拂天下望斯文價金玉表表足相尚
一編誰纂聚百世得宗匠晴窓一開卷
璀璨羅萬象餘功墮毫穎雲煙起千嶂
老我憂患餘苦學殊少壯適越資章甫
篋竒增冗長之子秀儒林筆力錦江浪
九原如可作四子推輩行殷勤特送似

或可起遺忘漆園有傲吏所樂在閑曠
挿架有全書引領祈拜祝所志逍遙游
不受鷓鴣誑他年子奮飛榮問日休暢
濠梁如有意回首問無恙

宿雲邊感懷

虛館怯朝寒幽夢不可續展轉復展轉
萬感起心曲世塗嗟枘鑿親養悲風木
悔往舌噬臍念來弓擬鵠悠悠穹壤間




方寸浪馳逐西山有仙子胷次湛寒玉
何年白鶴歸就我雲邊宿挽衣起凝睇
飛鷗下乎綠

東禪百韻


群居厭囂煩兀坐悵離索動靜兩何心
求端後先覺張氏好兄弟同遊得先諾
重以臨邛客雍容出蓮幕二難秀金枝
高會相酬酢客來驚醉夢倒屣出簾箔

符子方下帷訓子傳家學湯君能捷筆
詞賦工雕斲閉門各有適楚然聞剝啄
錢君大人行邂逅同出郭衝颺翼飛蓋
宿潤沾芒屨山僧迎戶外蕭散出林鶴
升堂忽起敬先正事超卓于今國猶活
繫爾盡忠恪禪房燈火暗遺像丹青落
惟餘我輩人往事記其畧緬懷百年後
賢愚一丘貉風爐催煮茗胷次澆磊落




開軒一凝睇偉觀奪巖壑古木矯龍蛇
藤蘿喧鳥雀亭亭堦前竹左右森矛稍
老幹欲摩空穉綠猶含穉微風度踈櫺
萬竅呈笙簧鼎來聞歌呼冠帶亦褻博
汝豈陳孟公四坐爲驚愕禍福寧所知
字畫妄穿鑿俳優時所拙掀髯資一噱
山僧如有意太息事殊昨衆真擁靈君
昨夢非冥漠人情良易感意氣隨飄白

焉知宋玉賦浪費屠門嚼朝雲無定姿
蜜意終難托棄置勿重陳聲色等臭惡
觴行奉壺矢尚想古樂樂圍碁對空枰
白日忽飛電勢成秦始大計誤魯日削
將士兒戲爾迴旋守宮鑰車馬或砒煩
俘虜到幃幄張拳合竒偶奮臂幾攫搏
嘉名襲百子覆射師方朔數窮或自蹈
世事直難度情性漸浩浩與義相磨琢




壽夭徵彭殤小大稽鵬鷺天高何所懸
地厚何所着孰怒而雷震孰笑而電爍
興王悼煢獨季世慘炮烙道隆此何幸
道降此何薄生乎誰汝恩逝矣誰汝虐
毫釐有必爭司馬振銑蠲義正誓不屈
勇士赴鼎鑊少焉兩忘言水淨潛鱗炤
行樂未有極暮霞橫日脚催歸走重隸
欲去仍復却顧瞻忽有念鬱悒忘諧謹

鑿井成先志結甃石鑿鑿危亭俯達道
棟宇更旁拓北牖瞰清渠西軒粲花藥
借問彼何營游手事蒲籜荆簪田家婦
羣居勇奔躍有問不能對彼豈棄耕穫
似言歲苦饑鬻貨逮錢鏹多謝賢令君
惻怛憂民瘼精誠徹高厚一兩洗炎焇
種藝貴及時少稽溝澮涸丁錢曾幾何
秋苗貴合勺脾迫甚星火胥吏踰毒蠹



或云勾稽職久矣廢矩矱催科苦重疊
受害徧貧弱丁壯腹難枵努力重鋤穫
老婦徒跣去詎敢辭答掠幕歸已載星
晨出雞呶嗑疾行君勿嗤寸步千里邈
吾聞古哲王重本抑末作豈其倚市門
餘財暨丹牖而此力田民徃徃困椎剥
令君誠昭昭忠告期諤諤念此久忘歸
露濡襟袖溼餘香來佛殿幽響動簷鐸

空庭炳雙燭水末鬣烏鵲清興浩無涯
洗盞復更酌殘盃屏督郵珍送來絲絡
茲懽誠有餘茲會嘆難數別駕人中仙
精爽排秋鶚六年脫曹尉緹車佐方嶽
少須尺一詔歸持紫荷橐堂堂蒲圻椽
少學鄙衛霍棲遲縮黃綬百鍊劍鋒鏘
踞鞍尚堪行投筆清河洛含山控邊陲
壯志方躋躋逝將策殊勲恩光輝棗萼




粹然六君子總抱荆山璞或登賢能書
拏雲出頭角或遊王侯間健筆驅蛟蠅
或欲振家聲塵言束高閣行矣拔連茹
大迂副親擢誰其戀鄉邑株守甘齷齪
惟子與世違自分同尺蠖他時一樽酒
重赴山僧約

和丹陽徐文度令君

微生嘆數竒衰疾久見面遙聞卿大夫

今日潘懷縣列宿羅胷中可但書萬卷
撫字寃衷曲誅求無俗見已多鍾子知
且上北海薦顧以疾自歎往見身如絆
緬想滄浪臺吏退足清燕詩壇建旗鼓
來徃紛俊彥未脩維梓敬徒起臨淵羨
邂逅得披承英風起衰懦覩顏謝不敏
多言幾誕謾歸來飭泐頰秋暑尚嚴憚
居然得新詩大篇驚趣辦瑟縮綴苦語



緘題寄回便何當重扣門一奏白石漿


送友人歸茅山

峨峨三茅峯秀出雲雨上疑有避世士
卜築便幽曠菊英當朝餐蘭佩拂千障
我行未之見徘徊幾惆悵子居山之西
昔聞今見之厭和下里曲浩歌商山芝
山林久寂寞遲子相發揮間關整車軸
萬里端自茲特苗天所机念此令人悲

毋爲舍靈龜旁觀時彘頤

因石令君行有感成古詩一章
呈丞尉二丈不知退之亦肯效
孟郊樊宗師以文滑稽否

絕代有佳人絜齊處深宮組織成文章
黼黻可帝躬蘭菊媚幽姿桃李自春風
出門非所職所職非所從婉變彼誰女
剪製了不工膏沐倚市門苟爲悅已容



顧盼若有得芻蕘靡不同出門惟所之
諧笑繚西東寄語道傍人取舍須至公
容華一時耳禮義百年中

和李果州同遊茅山贈

我家荆溪東矮屋八九間石田人不耕
自占水一灣十年去城市樂此清晝閑
飽聞西州英輿學窺孔顏見賢豈無時
冰開水潺潺竭來絜齊俟一語開冥頑

錦機神所祕啟示不吾慳追隨妙高臺
勇往不作艱蹇步駸弗前逸駕杳難攀
惆悵默無言詩卷慙空還三茅在何許
天未聳髻鬢勝處不可窮老我嘗窺班
幽人去不歸夜鶴守松關夫君金玉姿
秀氣超人寰興來得同遊句就知難刪
應同太史筆有副藏名山

喜客泉



物我未忘情無情惟止水底事山中泉
客來如有喜悠然鏡面平倏爾魚眼生
少焉開笑面似與客逢迎客喜泉豈知
泉笑客何有邂逅深山中聊結無情友


夜夢續句

乙丑四月四夜夢中得句云

昏旦視生死又云不種桃與
李覺坐而思豈吾壽不延歟

因就枕上足而成詩旣以自
悟亦以自遣云

大化賦群有脩短亦天只彭殤誰得失
鵬鷄均適已我今識其然昏旦視生死
青青竹籬下不種桃與李老薺怙春柔
叢蒿薦芳旨耘鋤藉人力四時自終始
屬饜幸朝夕過計胡爲爾勿笑趙孟偷
甚矣吾衰矣



喜雨柬權邑蔡丞

高槐障午暑巨竹搖清風中卽百世英
一官此從容心事付溟鷗年光占候蟲
客來欲有言一笑撫雙松曰余不負丞
哦詩有新工天意亦憐才要施及物功
適此歲潦飢旱氣日蘊隆兩應長官祈
猶未周四封鴈鶩抱文書朋來立庭中
公曰早旣甚此理貴感通絜齊走羣望

精意格蒼穹西山隱其雷萬疊聳雲峯
南湖飛霹靂彷彿追蛟龍斯須天墜間
萬象俱晦蒙飛湍連日夜一洗旱魃空
樹藝走丁壯誰呼沸兒童歲功已權輿
餘間清銛笛行歌何所云丞哉寧負公

代東寄當塗大夫王去非

聞道王明府仁聲已四傳催科能不擾
賦入自爭先理到頑民服仁漸黠吏悛




俊良搜士類疾苦訪氓編義役頌成制
巫風變昔年已聞銷珥筆直欲弛蒲鞭
未可徒寬治還疑執德偏碧雲江外合
愛助正拳拳

謝諸友移具游德及亭

老去疎文會朋來愜素心結廬慙遠引
挈榼荷親臨友旆孤成約臨池得勝尋
鳥飛青嶂遠魚戲碧波深揮塵荷香度

開樽柳色侵已欣年游稔猶冀兩爲霖
學道心無得爲農力不任每因情款款
常恐歲駸駸坐久便徐步觴頻怯滿斟
非因苦衰疾豈憚豁煩襟羈旅忘家食
辛勤念子矜範模資伯父燈火惜分陰
一第均兒戲微言久陸沉簞瓢誠有味
山水會知音子事增吾感吾言豈子箴
他年黃鵠舉莫忘候蟲吟



傳聞三徑地經始得長策良材蔽川下
賤售非難索露廩發陳積香飯流匙白
群工闖戶外拱手聽規畫願速大厦成
却展搏風翮

送胡伯量

我本山澤人飄然如野鶴夫君九臯來
氣類頗相若相逢宿不再別去天一角
君從浮丘游度世得良藥渴飲瑤池水

餓向芝田啄引脰試一鳴群僊相唯諾
嗟余侶鷗鷺廻翔一丘壑刺天見羣飛
老氣鼓不作客來傳好音重會欣有約
追隨忽幾月至哉天下樂亦知僊凡異
所向終落落分飛又茲始後會杳難度
歸從浮丘侶爲我試商畧雖愧毛骨凡
頗亦志念慙願乞刀圭劑一洗性昏濁
從君清都游共聽鈞天樂




次聖與小兒啖虎脯篇

折臂最小兒骨聳頰微廣弗說螺螄小
可以吞大象那敢謂其然且幸日稍長
顧似陶家即智識殊不爽強令侍師席
跳跟繞函丈胡能辨滋味舍魚取熊掌
但見蔬果列攫取如枝撻嘉餽得虎鬚
新獵出林莽對之懶下箸殺氣猶可想
呼兒食之既睥睨尚來往饕餮發我所羞

跌蕩或稱賞服猛豈渠能過獎謝吾黨
深慙如敝箒有誤千金享

走筆謝王去非遣餽江鱸

環坐正無惊駢頭得嘉餽鮮明訝銀尺
廉纖非蠶尾肩聳乍驚雷腮紅新出水
茸以姜桂椒未熟香浮臯河鮑愧有毒
江鱸慙寡味更容座上客送歸煩玉指
飢餽雜青紅百巧出刀刀翩翩鶴來翔



粲粲花呈瑞頗疑壺中景髣髴具盤底
又疑三神山幻化出人世更於屬饜余
想像無窮意知君束裝冗不敢折簡致
厚賜何可忘因筆聊舉似

再韻爲鱗繪虎巒解嘲

多病早休官自是臺無餽東門享鷄鵝
寧若龜曳尾有酒可斟酌有力給薪水
朗詠淵明詩如斲郢人鼻所期免朝飢

敢幸嘗異味大葢來隣邑細縷出織指
一見喜折屨三思食失珍非我可常
竈非吾敢媚胡可狗口腹有若囊無底
諸君有用學土苴足經世龍肝與鳳髓
何求不適意此豈費萬錢正自不難致
貴賤理則殊氣味固相似

次劉聖與遊土山韻


巨浸邑東南西北起培塿意恐七澤馘



遺此鎮其後我來雪霜降陽和開巖首
平波十萬頃如鏡照妍醜尚想雷霆擊
水立蛟龍走微此一培土羣生魚鱉又
山人豈解此采掇競薪標飛香識早梅
柴門深處有攀條情正濃催歸回鷓首
幽懷殊未愜陶寫賴詩友春事甫權輿
重來多載酒會有不速客帶索老榮叟
分韻送王去非之官山陰得再


字

達官須親民未竟法應再昔君治姑孰
報政甫初載桃李春正華風木養不待
至今田里間徃徃誦遺愛薦章交公車
夷塗了無礙自詭更治民得邑仍勇退
坐看積薪上笑謝及瓜代赤縣官山陰
銅章喜重佩平湖帶城郭崇山鎮溟海
道中勤顧接何者非勝槩鵞池湛清漣



蘭亭霏翠鬻溪流西走剡夜雪曾訪戴
此地君故家舊游詳往哉公餘信足樂
俗儻良可慨盜賊人鬪狠淫祀家禳禴
緩縱固不可激之或生害厥田惟中中
厥賦上上倍豪家窘輸送勺合無容貸
貧家憤逋負符移費追逮行之苟失中
上下交怨對臺府相鼎立征求常意外
稽違速謹呵抑絕虞冒昧狂獄當盡心

夜寄或百輩去來不敢詰猶豫即招悔
譁徒陷平民更欲脫有辜朝方得其情
莫祈當路改過客紛如織刺口說行在
丐求小不愜百計工組績我知夫子心
此去專勞來豈其懾聲勢左盼而右睇
然須處心平更須臨事耐勿恃事理直
抗論多慷慨勿謂氣類同不虞趨鄉背
先入弗偏聽未信勿忠誨小遲歲月間



足致治平最庶策三載勲亟應千齡會

送王深道歸黃巖雲霞居并簡

李微之周子靖吳毅夫蔣良貴

之子雲霞居地隔千萬山三年三過我一見一開顏袖出西游編字字破天慳可憐東門享不及海上閑後會不可期天步方艱難贈別可無言烏倦宜知還白髮暮倚閭山空水潺潺道逢兩倫魁

風采照人寰出處各有適爲問二者間
李周兩太史筆削凜二班爲問靜中得
何方濟時艱老我疾病餘癩憂涕空潛
回鴈可寄書勿諉殆且煩

贈江西吳定夫

定夫江海士瘦骨如臞仙翩然及吾門
不假左右先我方厭塵埃一笑喜相延
肩懸兩破囊既見始解纏我欲具盃酒



割雞烹小鮮自言乃長齋不受世葷羶
少休入西山幽尋徧崖顛山空四無人
白眼問青天洞口得老翁守死易一編
高談慰寂寞其然豈其然去去不忍別
解衣示勤拳及歸已彌旬爲我少留連
道逢一病媪背偻兩足攣津頭見羈旅
數口依敗舡料理窮晨昏奔走環市廛
足攣不良行結廬倚墻垣舡敗不可航

買舟捐萬錢爲慮極靡密要使終安全
詰旦撥東還旣夕重周旋嗟子塵外客
而結區中緣吾衰不能爾愧汗與涕漣
或疑破囊中探用若流泉子豈費長房
一壺掛簷前或疑瞿曇老濟世法無邊
勤君爲此來昏頑警沉綿君師魯東家
二說當捨旃理一而分殊先儒有遺言
君歸更商畧書來慰殘年




我欲遊廬山江長水茫茫我欲謁弘齋
老去力不呈羨子勇決策去若飛鴻翔
及登夫子門必升夫子堂想見七十翁
神清氣揚揚客來語時事慷慨激中腸
客去竟無言高歌詠虞唐子行當寄書
欲言浩難量問我今何爲爲言老農桑
論交四十年會短別苦長至今風兩夜

送潘兄謁李弘齋

晤語思對床所幸天壤間日月同輝光
何妨一寸心千里遙相望小蟬有益友
勁氣摩穹蒼及其即之溫百卉榮朝陽
待苗天所杙雙鳥鳴相將閩嶠幾時歸
猿鶴久悲涼憑將一語寄母使三徑荒

吳門道歸書懷

投閑三十年日與木石俱莫景際休明
搜羅逮樵漁洪造賜甄收群公文薦書



卷之四
廿七
躬勤奉明詔婉變辭田廬一寒不自揣
五窮暗椰榆行行步京畿迎勞多軒車
眼青見故人皆嘆此老臞形容不自惜
奈此氣昏愚席間迷舊識筆底誤新書
十目所共睹一語良非虛儻昧知止戒
不及田園居去去入脩門寒步接天衢
深虞眩聞見狂易滋發舒顓天寫真情
浩歌賦歸歟

贈九華程兄

君家九華山山翠常在目雞犬聲相聞
山腰幾鄰曲本固枝葉蕃無若君之族
當年紫橐翁一念盡親睦俸餘不自有
買田徧谿谷計口給之食昏旦常陸續
吉凶更資助當使有餘畜只今大江南
盛事君家獨君歸廣此意勝處新卜築
周遭植名花中間敞家塾少長驅之學





卷之七

七


母間親踈屬庶幾子又孫更衍無窮福
亦使紫蒙翁百世流清馥


漫塘劉先生文集卷第七






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集卷第八

長篇詩下


送王穎叔分教山陽

向來肉食昧遠謀坐談欲復舌苦讎良
平不逐勝詭游毛錐竟作書生羞楚山
蒼蒼楚水流甲光向日金鱗稠酒闌一
笑看吳鉞將軍意氣傾九州先生身短
智則脩百鍊可使繞指柔安邊端藉帷



國立中央圖書館, NATIONAL CENTRAL LIBRARY, TAIWAN, R.O.C.

3452535 v5



幄籌洋宮還獻馘與囚英聲南來動冕
旒貂蟬未必生兜鍪


舟過橫塘有感

平波淺草橫塘路曾挽扁舟衝急雨朱
顏綠鬢氣崔嵬欲斥九關揮玉女萬古
功名付汗青九天光籠生門戶邯鄲一
夢两周星霜壓孤篷日怙晴風樹不停
身已老病容衰鬢鬼猶驚東烏西兔自

昏曉北來南征幾時了海上欲覓安期
瓜山間却值孫登笑澤畔躬勤訊漁父
棹頭不言吾已悟蚤求富貴晚長年老
少不同均計誤連年早暈失祈禳人肝
不厭犬豕腸今年稱肥家有酒萬事且
付無何有

寄和趙章泉

章泉先生虎豹章餘子駭逐狐兔藏少




陵遊不返衡湘孤吟風月老林塘鴛鴦
不送我置傍悵望空勞水一方廣文別
日天未霜彫勤寄音示無忘新詩寫作
鴻雁行恰我病骨猶嵇康續貂聊復寄
歸瓶宮墻百雉如金湯登門歲月知何
當江湖極目煙波滄

寄呈王浩翁府判

天下江山推第一多景名樓信端的君

家正占多景前第一風光環燕席梁邑
歸來縣債了驪騮得路乾坤小錦衣聊
復效晝游戶庭鬱芴佳氣繞手栽松菊
成三逕更敞軒楹臨綠沼客來寧厭馬
喧櫪夜宴不知雞戒曉辟書聞又上公
車連帥親題仲舉輿只今淮上未安集
二虜南望猶睢盱要知兩淮須保障保
障一撤長江孤邊臣之慮不及此但知




卷之八
二
椎剥供苞苴紅女去機農釋耒荆榛滿
野號猩鼯君官其間踰十載洞識本末
知盈虛願君亟分刺史符稍回和氣還
邊隅畫收徂詐入赤籍有功必賞罪必
誅招來耕桑徧隴畝撫摩一意淪肌膚
人知親上死其長荷戈不憚供前驅闕
如當道卧於菟犬羊遜走寧復餘更歸
未用師黃石且待玉皇香案側不惟文

武見全才要與清朝分淑慝

送魏華甫侍郎摘靖州

靖州風物最五溪畬田歲入人不饑淘
沙得金邀以嬉瘴煙不逐嶺雲西六花
瑞獵春臺熙尤便逐客過徃稀理亂黜
陟了不知夫子豈欲居九夷要尊主勢
扶時危有言不用時我違畚然不受好
爵縻向來鄉行誰可睠平生易名慕者



誰蘄陳凜凜百世師畏塗萬折甘如飴
求仁得仁固其宜大明當天照隱微直
前一疏可忘之江頭後會端有期暗香
微動寒梅枝臨別不用長嗟咨


送王常博歸蜀

東溟之水浩無窮蜀江袞袞來朝宗聖
神天子坐法宮日月所照梯航通君才
當代相如雄雲煙落紙聲摩空西來闡

教臨岳雍冠帶濟濟如雲從力排黨論
開至公鳳鳴駭矚朝陽桐太常正僊肅
臣工歸舟却泝蜀江風蜀天萬里車書
同不應一士無留中篙師揆柁毋匆匆
趣回有詔紫泥風

奉送符伯壽尉太平

一年三伏秋後前大火更借炎官權竹
林杖屨北窻眠君方陸走水行舡君言




半世苦迍邐一官遲次安且便瓜時驟
及非偶然今我不往人爭先交承久宦
思田園側身東望心悄悄民情厭舊期
政絃今我不往人頗寃左符再下催行
軒欲挽君留胡得焉君才明敏性情專
天府四舉賢書連民淳不假綵棒懸定
知學子來差肩酌君薦藕侑新蓮青白
不受汗塗遷贈君以筆并吳牋官閑鐵

硯勤磨研敬亭山下有臞仙耕雲釣雪
老林泉癢痾預欲知民編少屈從之古
道邊長官報政將朝天集英唱第吾同
年贖欲因君寄短篇有言不盡中勤拳
相逢一笑開初筵爲說故人今白顛

題解生山水圖

長江之水西南來江北江南圖畫開君
從何處得此景錦帆似泛長江回槎牙



老樹連荒島兩兩人家出林抄鷗飛欲
下洲渚寬雲橫不斷關山杳圖窮雙嶼
金焦峙仙宮縹緲浮寒水拖樓揆轉吳
波平閩闔中天日月明


玉糝羊歌

華陽洞口王糝羊世人傳得神人方壘
團入口桂椒香能令老者壽而康瑤池
玉佩正丁當箬筍聊薦九霞觴世言神

仙不鮮食初平山中果何物桃源更有
避秦人割雞爲黍迎來賓

石翁姥

采石江頭風晝息掀天雪浪平如席泓
崖小泊客心寬攀蘿曾看望夫石天涯
望斷人不歸露寒猶想淚霑衣争似石
翁携石姥年年對峙夾岡道人歸人去
我何心兩沐風餐人自老比翼鳥連理



枝年多物化徒爾爲長生殿裏知不知

送趙居父入淮東漕幕

儀真在昔發運司承平舊事猶可稽歲
漕東南六百萬碩米自淮入汴趨京師
周原六轡光陸離建臺想像因遺基水
浮陸走舟車湊轉輸十九資殘寇古今
事異吁可悲民力已困國不支長才入
幕宜深思皇華使者須良規

秋日題儀真寓廨時秩滿俟代

非崖非巔壁立蒼然野花爛熳媚朝日
樛木繚繞棲寒煙歸乎歸乎幽深此便
居乎居乎市聲晝喧紛去住於吾心定
取舍於吾言竹色一軒秋雨後荷花十
里晚風前錦城不似還家樂獨立津頭
欲問舡

野犬行




野有犬林有烏犬餓得食聲呶鳴烏驅
不去尾畢逋田舍無煙人跡疎我欲言
之涕淚俱村南村北衢路隅妻喚不省
哭者夫父氣欲絕孤兒扶夜半夫死兒
亦殂屍橫路隅一縷無烏啄眼犬啣鬚
身上那有全肌膚叫呼五百煩里閭淺
土元不蓋頭顱過者且勿嘆聞者且莫
吁生必有死數莫踰飢凍而死非幸歟

君不見荒祠之中荆棘裏纒割不知誰
氏子蒼天蒼天叫不聞應羨道旁飢凍
死

猛虎行

市有虎毋妄言當關虎士森戈鋌市上
一呼人駕肩虎雖猛那得前市有虎言
非妄君不見左馮諸邑天下壯斧斤聲
斷林壑空猛虎通衢恣來往食人肉飲




人血沈痛積冤何可說凝香堂上紫煙
浮風流太守憂民憂一朝下令開信賞
籍皮枕骨彌山丘虎已滅人患絕夜永
猶聞泣幽咽泰山之側如可居子後夫
前甘死別

病鶴唳上黃尚書并序

伏聞長淮綏靖之績陞西清
次對之班爰按彝章當舉自


代以某備數切惟此舉前輩
所重如韓文公之於錢徽歐
陽文忠公之於呂公著皆其
名位已高才望素孚故聞者
不疑受者不愧如某么麼加
以不可療之疾分甘屏處忽
冒公舉豈惟駭聽上玷師門
抑與漫浪之迹不相似然昔



唐張司業受東平之辟而愧
其不就賦節婦吟以謝好事
者至今傳之某才固不敢望
司業而受舉不能報與之畧
同用敢擬節婦吟之作賦病
鶴吟寄上

五湖浩蕩平沙暖病鶴催頽翅翎短萬
里空懷宿昔心忘機已結沙鷗伴華表


飛來遼海仙人間嘉會恰千年一聲嘹
唳九關傳虎豹辟易不敢前盡推同類
遊釣天浮丘王喬相後先縹緲遺音墮
雲際應念沙頭苦樵悴欲令弱羽更軒
昂共駕飛廉騎六炁瑤池飲芝田戲五
湖首回皆塵世菰米熟藕花鮮五湖秋
色正相便寄聲青鳥謝勤拳矧頽病鶴
那能然



吳子隆兼隱齋歌

前驅十里旌旗紅後騎蹀躞如游龍綺
窓阿閣最深處歸來燕坐圍香風不如
理椽吳夫子岸幘高吟酒一中嵩少山
頭渭水邊耕雲釣月老林泉巢由不生
沮溺死魚鰕糜鹿俱忘年不如理椽吳
夫子安閑寄傲庭西偏富貴誠可樂幽
棲端足尚牽黃復出上蔡門李斯悔殺

爲秦相介推有母須求祿不應決意歸
綿上吳夫子聽我歌當朝劔佩冠峨峩
趨營未免傷天和古來隱者亦已多潔
身亂倫如彼何君今非仕亦非隱京塵
不染白玉珂青衫從事今十載萬事忘
懷真實在但令堂上笑平反豈計庭前
羅翠黛是中不減山中樂底用青鞋游
物外吳夫子吾所敬兼隱名齋足相稱




誰其尸之勾漏令

傲將軍歌贈周叔子馬帥

君不見細柳將軍專號令壁門不受天子命又不見隆中將畧天下奇屈致不可就見之丈夫意氣類如此達則守官窮守已齋壇未築國士去軍令已申美人死王翦定須六十萬李牧必遵前日軌掃門求見齊舍人魏勃妄庸何足使

武皇踞厠對衛青淮南君臣暗歡喜寥寥古道不復見後來捷徑何紛紛炙手儻可熱舐痔未爲勤金珠要結徧奴隸鉄鉞倒置由他人傲將軍今無矣杜預苟苴通貴近裴度浮沉聊卒歲兩賢屹立尚如斯噲等區區焉足計傲將軍今有之我得見之喜可知行年六十未爲老三衙致位官非早毛錐子母我欺妙



年手折桂林枝長鎗大劍爾胡爲十載
安邊功書遍太常旗周宣方歌境土復
吉甫已賦明哲詩詔書星斗爛駟騎風
雷馳平生許國心日莫恐倒施皂囊九
扣關山立志不移時携一樽酒山水自
娛嬉傲將軍誰與同子真已去吳門市
杜陵不見天隨翁賴有個儻朱杖屨時
相從虎丘山頭弄明月姑蘇臺上吟清

風爲樂良有極大義終無窮謹勿扁舟
載西子有時獵渭占非熊

代同游者賦宿雲軒呈李果州

君不見流金鑠石氣如焚巫祝並禱天
不聞霧霈一兩洗乾坤膚寸而合山中
雲又不見疾雷破山風助勢八表同昏
天地閉峯頭一抹斂歸雲赫日當空鬼
神避祗今歲杪雪霜餘得向巖前自卷




舒等閑且伴幽人宿明日春回須兩足

送趙玉甫赴茅山鹽場

辟書朝東來海上便擬尋蓬萊坐令斤
鹵皆春臺辟書暮西至頽春又擬陪千
騎江水江花盡和氣浮屠將就要合尖
洊雷喚起蟄中潛東西惟命夫何嫌諸
么爭令出門下意豈專爲一日雅君姿
秀整氣清道露華凝曉月澄秋宵中武

庫森戈矛筆下倒寫三峽流甘泉持橐
侍凝旒青氈舊物唾手收蕃然正應側
席求東行西行寧久留祖帳馳華軒嗟
余守環堵贈言古有證臨分敢無語紛
紛曳紫腰黃金儼然望之真人萬世
在其後念之徒酸辛富貴誠可樂名義
吁可畏此意儻無忘鴈來頻寄字

觀瀑布圖




仰觀山模糊俯視山歷歷見卑不見高
此恨通今昔觀者笑且言畫手非用力
安知畫工心獨苦世上悠悠幾人識君
看白練飛杳不見來跡疑從九霄中直
下恣噴激六月天無風大暑鑠金石此
景獨清涼飛雪灑石壁此豈銀河翻餘
派墮空碧抑豈龍門決洪波注八極坊
知畫者心不止存目擊山上更有山去

天不盈尺丹崖與翠巘群仙所游息煙
雲不可到日星在几席甘露被草木醴
泉出巖隙流落人間者萬派抵餘瀝知
畫豈予能因畫重悽惻聖賢言外意未
可紙上得所以說詩者要在以意逆安
得畫外觀山人共向書中探端的

贈芮醫


乳母夜深紉故衣針墮兒側姥不知兒



膚受針口啼哭展轉無眠針入肉明日
啼聲甚夜來問兒疾苦誰能猜拊摩忽
到傷針處兒啼欲絕嫗方懼醫師睨視
了無策鄰母驚嗟悉來覩群兒切聽聞
肩竦毛髮豎芮生昂然來自言醫此屢
探懷出良藥布指揣針路斯須穎脫出
肌理自如故嗟哉此神術小試輒如許
我聞在昔陳留市刀鑷工中人避世至

今山谷後山詩明月夜光照地又聞宋
人有藥手不龜世世澣紈無贏貲客得
其方說吳主大敗越師因胙土方今北
境猶多虞萬金良藥時所須汝胡不徃
此踟躕芮生筮爾笑倖利吾所誚喟彼
陳留翁異世或同調

天馬歌書劉漕彌正子淮海秋
思詩藁後



貳師城空溼洼涸百年徒費秦川權眼
明見此玉花驄畫工如山筆難貌朔風
號朔雪舞交河水冰連后土一聲嘶入
玉門關掣斷陰雲日當午超八駿友六
龍天人一笑和鸞雍駑駘百萬那能從
賽龍謠寄陳倅校書兼呈黃堂
重光協洽之歲夏四月朱方不雨川源
竭田家汲井灌新秧綆短瓶羸汗流血

太守憂民一念深欲決銀河起伏陰彌
月驅馳徧羣祀雲捲碧霄呈象緯聞說
南洲有螫龍百年水旱資神功民言直
徹九天上絲綸屢下恩光重來徃瞻言
三百里別乘親行古無此潔蠲牢醴薦
芬馨願借英靈一瓢水瓢水英靈亦何
在精誠自與神明會炎官叱馭正當空
豐隆已駕隨飛蓋歸軒暮扣古城闌幣



澤朝均千里外秧田得兩變青青麥田
流水迷溝澗擊壤歡呼紛老稚慚愧今
年又豐歲典衣沽酒賽神龍一飽權輿
神所賜神龍胎蟹意已傳似言此賜非
予專一瓢汲水能回天多謝紫府瀛洲
仙瀛洲仙人笑揮手龍不言功我何有
祇今千騎擁朱輪即是商家大旱作霖
人

再韻謝和章

萬竈連營橫塞月忝輸不繼官倉竭
虜雖息尚游魂胡虜已衰聞蹀血赭衣
開河深復深青青蔓草生河陰歲早民
饑神之祀故老言言徵讖緯使君事業
今夔龍十年準擬調元功銅虎分符又
南國北來更閱千山重同僚有客居同
里憂國同心無彼此既知東海之婦可




致早又知疏勒井泉能涌水釋囚祇有
羶扉在蠲租可但寬期會日照齋孟食
不葷兩濕朝衣車却蓋已罄祈禳徧國
中更遣車緹來郭外荒祠垂篆上丹青
平原龜兆拆田塍拜手殷勤祝田釋活
國牛民係茲歲再宿爲期神效靈三日
爲霖民拜賜長淮轉漕速郵傳此賜豈
獨吾邦專兩餘亟欲披青天那得鶴駕

揚州仙精意回天飜覆手赫赫陽光均
九有但得兩君便携手齊上紫清扶日
輪闔關陰陽端有道不妨風月屬閑人

再用韻

公詩滄海生明月草木光輝涯不竭僕
如拙匠運斧斤顏汗淋漓指流血心知
短綆難汲深拱把之木無繁陰風摧墮
地幾千祀牢落荒林鳴絡緯眼明紙上




走虬龍古錦囊中新奏功搜奇徃徃
魁泣窮高不礙天門重鵬飛羊角三萬
里筆勢翩翩有如此渠儂辟易虎負嵎
公獨從容禹行水端由萬卷胷中在左
右葦源無不會詩壇獨上四無人烏兔
驅車天倚蓋曹劉沈謝不支吾陰何間
隔孫山外池塘不夢春草青愚生已分
老四滕縣榻空煩禮徐穉一笑相逢俄

隔歲不辭入府異龐公祇恐言詩非木
賜朝來好語日邊傳大惠寧許一州專
詔書絡繹催朝天紫薇帝庭領列仙鈞
瓶已入酒聖手清風一枕無何有遮留
當道擁車輪尚能喚起隨邦人

和陳倅田婦刈麥韻因解朝

君不見山東健婦把犂耕子美爲賦兵
車行我嘗一讀三嘆息尚想青天聞哭



聲又不見峽女生涯在兩脚鬢髮飄蕭
不堪掠我嘗三復負新篇亦是子美夔
州作山東征戰苦未平峽女家貧無斗
升吾邦之俗異於是賦調不苛閭里寧
八月詩人歌載績餘暇不如同力穡况
復樵枯良易易自昔民生在勤力通守
於民情最親勞農不憚行侵晨他日席
前須記取要使深宮識苦辛

運河行

運河岸丁夫荷鍤聲繚亂紅蓮幕府誰
獻言運河泄水由函管函管掘開須到
底運材歸府供薪爨庶幾一壞不可復
民田雖槁河長滿民田爲私河則公獻
言幕府寧非忠我聞此言爲民說急趨
上令毋中輟小民再拜爲我言函管由
來幾百年大者用錢且十萬小者半此



工非堅厥初銖積費民力厥後世世期
相傳豈但旱時須灌漑亦憂久潦水傷
田向來久旱河流絕放水練湖憂水洩
州家有令塞函管函管雖存誰復決小
須兩澤又流通函管猶存不費工只今
掘盡誰敢計但恐民田從此廢豐年餘
水注江湖涓滴不爲農畝利有時驟兩
浸民田水不通流禾盡死况今農務正

紛紜高田須灌草須耘盡驅丁壯折函
管更運木石歸城闌呂城一百二十里
不知被擾凡幾仁太守仁民古無比疑
香閣下寧聞此願傳新令到民間函管
須塞不須毀已埴函管無尾閘大舶通
行水有餘函管不毀民歡娛異時潏馮
無妨渠憤昔採詩周太史不問小夫井
賤隸試哀俚語扣黃堂鈇鉞有誅寧敢




避

憶昨行寄呈劉法曹

憶昨太守宣城陳人物風流法從臣太
息官倉取無藝要與邑民圖久計總將
一石計其贏二斗八升爲定制厥初號
令如雷寔奉行誰敢圭撮增愚民不解
深長慮競喜當時斗斛平新守迎來舊
守去號令雖嚴誰復頤斛面坡陀斗面

高三斗八升作常賦後來主簿辛君機
太學聲名盛一時挈來意與上官合委
向倉中司出納籌筭親臨絕蔽欺戶庭
凜凜無喧雜愚民乍喜見明官槩量寧
論加勺合上供送使有成數羨餘到底
歸州府明年按籍取之民三斗八升更
增五徃者不可諫來者圖之猶未晚只
今太守龔黃比千里癢痾如切已公事




勤勞絕燕私私錢大半供公使選官受
秋輸而得法曹賢除弊幾十九積羨踰
三千三千寧足州家用祇恐從今還作
偏明年四斗三升之上更增科三十六
都之人將奈何

殺虎行謝宜興趙大夫惠虎皮

虎腊虎睛

君不見陽羨周將軍射殺南山白額虎

千古萬古聲流聞又不見宜興趙大夫
南山三十有六虎令行殺取無復餘一
虎昔何少三十六虎今何多虎多人不
患所患政之苛苛政滅人門猛虎戕人
命擇禍莫若輕泰山之人論已定大夫
性高明下令走風雨所知在田里了不
見臺府既令民免政之虎又與民除虎
之苦四境之民歌且舞或云殺虎太傷



和胡不令渠目渡河我聞此言笑且呵
大夫憂民憂豈必限吾土不然隣國以
爲壑信也白圭愈於禹古陽羨今宜興
大夫邑之主將軍邑之賓主賓多寡事
不同千古萬古同清芬


過司徒墓

司徒墓荒塚纍纍不知數草中翁仲無
復存壟上牛羊自來去想見當時百萬

松佳城在處鬱葱葱車馬時來卿相子
鍾魚聲出梵王宮年深事遠無留蹟只
與耕夫資墾闢萬古同成一窖塵官爵
高卑誰汝識

用前五字韻趣劉聖與建第


君不見茅屋下四壁床敷窄又不見朱
門中金碧鎖空宅宅成更欲致良材水
浮陸走空山澤茅屋區區誠已疎朱門



汲汲彼何迫勸君勿學伏波老自詭裹
屍須馬革又勿學金谷人綺窻阿閣綿
阡陌但令庭宇潔頰與塵囂隔市聲不
至亂琴書廚煙可免衝咽啞庶幾家人
安亦使我心獲吾宗開敏姿富有濟時
策棟宇著易象義不假探索况聞玉堂
直視草湏元白所期不日成毋使中道
畫庶奉紫芝泥即刷青雲翻

寄邢臺范黃中

秋氣清秋風高想見邢臺舊居士巾車
繡往恣遊遨偃仰戴公廬逍遙焦公居
想前輩之風流悲末俗之崎嶇白眼睨
視抵掌嘻吁酌之以漫塘之酒侑之以
漫塘之藕酒之味醇而不漓藕之性潔
而不汙以泥于以介眉壽于以明素守
對此長歌其樂如何相望雖隔於秋水




明月幸同於千里

跋趙憲唐率更千字文蹟

草非草直非直柳之骨頰之筋歐張瘦
硬可通神衆體備兼衆美莫疑與嗣書
無首亦無尾當年好事人各欲徇所嗜
割截同至寶得中固爲喜莫將俗眼看
墨脫字已漫當年寶匣中十襲幾歲寒
祇今煙雲披星斗尚闌干鱗角鳳嘴毋

輕棄煎膠續玆端有異君不見四牕寶
此不寶他固應落筆驚風雨走龍蛇


漫塘劉先生文集卷第八






國立中央圖書館藏 NATIONAL CENTRAL LIBRARY, TAIWAN, R.O.C.


卷之八






國家圖書館, NATIONAL CENTRAL LIBRARY, TAIWAN, R.O.C.






國立中央圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集卷第九

辭免狀


辭免除籍田令第一狀

伏準省劄四月二十三日三省同奉聖
旨劉某除籍田令某蟻蟻微生忽叨恩
命戰慄不知所云抑區區情素有不
容不吐露者某蚤由科舉僥冒出官爲尉
爲掾爲令汲汲寸進初非忘情宦達一



國立中央圖書館, NATIONAL CENTRAL LIBRARY, TAIWAN, R.O.C.


345236 v.6



自辟屬倉臺偶得風疾浸淫滿面乃丐
嶽祠以歸曾未兩月復拜堂審之命某
是時猶意此疾可療欲俟小愈奔走赴
闕不謂所感日深百藥不效以迄於今
形容變改語音僅存竊自循省豈堪綴
班行之末重念某幼時家匱不免飢寒
病廢以來一意耕桑服勞過甚年甫六
十手戰而難於執筆髮脫而不可勝冠


晝以目昏廢書夜以心忡忘寢雖欲少
效尺寸以自見於明時有不可得瞻望
闕廷但深悃結所有省劄不敢僭效達
官寄留州縣謹端拜襲藏傳之將來爲
子孫榮伏惟鈞慈特賜敷奏改命時髦
以光初政容令孱瑣自放漁樵須至申
聞者

第二狀




某伏準省劄以某辭免新除籍田令奉
聖旨不允疾速起發前來供職某洵膺
寵命俯極戰兢伏念某蚤歲效官位不
過揅幕中年屏居身不入朝市容臺列
屬中旨趣行皆耳目之所不接夢想之
所不到况聖上天德出寧之初正萬化
維新之日而公朝進擢猥及么微在某
可謂非常之遇雖無知如草木亦覺欣

榮雖無情如鳶魚亦當飛躍某其敢固
執其愚仰孤鴻造實以衰疾之軀不但
形容如鬼疎率之性時或語言如狂且
久安漁樵遂廢筆硯猶之猿鳥必不可
與麟鳳同瑞聖時猶之瓦礫必不可與
珠玉並登王府惟當退伏田里含哺鼓
腹詠歌太平所有籍田令職事或聖君
賢相必欲矯俗之弊擇不求者與之則




世之志不苟求而學行才美百倍於某者何可勝計姑以所知言之前鈇山縣丞羅愚鹽官縣丞周師成新湖州錄事參軍杜範新直州教授潘彙征愚乃故樞密點之季子餘皆進士第是四人者稟性不同至事親以孝律己以廉蒞官以勤臨民以恕行之以公不顧望以避怨得之有道不僥倖以干進則四人者

同歸一揆又前直州支倉鹽洪秉哲初擢第主歸安簿甫數月母病馳歸因留不去母病有間勉之仕不得已授貞州鹽倉郡守豐有俊檄入幕賴其助有俊爲本路提舉復携以行及爲淮西帥以隔路不可檄致乃轉以屬江淮制置李珣珣屢檄其出而本路新提舉汪綱又欲其留秉哲難於從遠遂兩不就因以



避事爲珏所劾至今未得差遣其兄亦
四請鄉舉免舉不到省遇赦不該恩兄
弟怡怡不知老之將至前修職即戴埜
爲麗水尉寄居有挾勢奪村民之舟者
埜執不與守怒撻吏奪舟與之埜即拂
袖去初埜弱冠其父爲求同姓牒因發
國子解登第埜以家狀中微有遷就言
之輒愧汗其後父喪服闋遂自陳棄官

今已十餘年家居深山惟讀未見之書
爲有用之學閣學楊簡知溫州日已嘗
論薦乞命以官是二人者其特立獨行
無求於人尤爲人所難或公朝不以某
爲狂僭於六人之中特拔其一而改畀
之皆足以使頑夫廉懦夫有立惟是某
自爲已計旣重于方命之誅妄爲人言
更合貽犯分之罪尚祈寬大之朝曲賜



矜貸不勝俯伏戰悸之至頃至申聞者

第三狀

某伏準七月二十七日省劄以某再具
申乞寢免新除籍田令職事三省同奉
聖旨依已降旨揮不允疾速前來供職
某瑣瑣一介仰勤君命至再至三魄褫
魂驚罔知所指其敢固執愚陋數犯天
威實以某賦分素薄得疾多端最是風

毒上攻形容變改已嘗申具不復喋喋
兼某少不涉學懶與性成長不通方動
與物忤故偷安窮巷以苟餘生蓋欲仕
不能非能仕不欲與老成前輩德尊行
高養素丘園者不類若貪冒寵榮強顏
就列則是積年抱疾乃爲今日進身之
階必速煩言上累初政某雖萬死不足
塞責伏望察其由衷曲賜敷奏檢會某



已申事理施行俟伏旨揮

辭免特改奉議郎添差建康倅

第一狀

某伏準鎮江府逋到八月十四日省劄以某三具辭免新除籍田令三省同奉聖旨特改奉議郎特添差通判建康府仍釐務埴闕某么微之跡方命至三正爾戰懼莫知所容而異數沓來驚魂益

以四逸竊惟改秩之必用舉主丞郡之必更作縣此祖宗成法所以垂萬世之規否則嘗必登對而知其能擢用而試之事某近者雖荷甄收俾綴奉常末屬即具辭免初非已經登對及曾受任使之人况籍田有令雖官王朝在昔列於九品於今通差選人某昨被恩除已以疾控辭乃今躡陞朝籍遂佐留都則受



卷之九
七十一
之是前日之辭爲飾詐今日之受爲擇
利有一於此罪在不赦某則安敢又某
昔在先朝年方強仕嘗被旨赴都堂審
察亦以疾辭迄于今十有八年以年則
昔壯而今老以病則昔淺而今深辭受
一殊萬死莫贖伏望不棄小物曲諒愚
忱仍賜敷奏一併收回誤恩毋使蟻蝨
微臣稽違君命以速明刑不勝席藁俟

命之至所有省劄某不敢祇受除已寄
收金壇縣庫聽候指揮湏至申聞者

第二狀

某準鎮江府發到九月十六日省劄以
某辭免特改奉議即添差通判建康府
恩命三省同奉聖旨不允某疾病餘生
荐叨誤恩半年之間四上控辭之牘自
知狂僭罪在不赦今又拜不允之命仰



體天涵地育之仁感深泣下但某爲風
毒所侵漸類惡集委不可仕若牢辭不
已不惟上紊清朝亦恐得罪公議謹當
尋訪良醫多方治療儻數月之後稍覺
痊可即祇拜恩命以效奔走或疾證已
深藥力不及亦當續具情實申取旨揮
庶進不孤造化曲成之恩退亦不失臣
子拳拳奉上之義至申聞者


第三狀

準十月十三日省劄以某申乞居家尋
訪醫藥奉聖旨依已降旨揮不允給假
兩月將理候假滿日起發之任某即已
遵稟外今假限已滿所合具中某聞事
君當致其身尤當用其情故公爾忘私
國爾忘家者士大夫致身之義病則免
老則致其事不強其所不能不戀慕其



所不當得者士大夫所以用其情國家
所以原其情也某愚不肖蚤歲塵忝科
第服勤州縣凡十有七年見義必爲當
仁不避惟恐一日之失其職雖位之卑
名之微其於致身之義畧亦無愧不幸
有疾屏跡田里垂二十年聖明御極振
起滯淹某偶以踪跡近似首預招延之
數嘗以情實申控復拜改秩丞郡之命

凡海內陸沉七選之人誰不欣艷以爲
非常之遇某或牢辭不已人必以爲沽
激故某一再控辭之後不敢喋喋只乞
居家博訪醫藥候痊可日拜命尋準前
件省劄某仰體造化曲成之意多方從
事醫藥緣所感風證歷年已深百藥不
效藉有良方非年歲間可以責效竊恐
稽留成命罪在不測謹再具情實干紊




漫塘
伏望哀矜特賜敷奏容令某守本官致
仕或以其年尚未及不忍棄捐卽乞陶
注嶽廟差遣一次異時或有痊可之日
誓當糜捐以圖報效須至申聞者

漫塘劉先生文集卷第九

漫塘劉先生文集卷第十
書問

通田輅院

某得令名於士友間舊矣亡師友周南
仲無恙時書來道執事有意見訪汎掃
敬聽旋聞卽遂榮上不果此來賦未見
君子之詩十年猶一日也維時春和伏
惟接武清華台候神相萬福某蚤得惡




漫塘
伏望哀矜特賜敷奏容令某守本官致
仕或以其年尚未及不忍棄捐卽乞陶
注嶽廟差遣一次異時或有痊可之日
誓當糜捐以圖報效須至申聞者

漫塘劉先生文集卷第九

漫塘劉先生文集卷第十
書問

通田輅院

某得令名於士友間舊矣亡師友周南
仲無恙時書來道執事有意見訪汎掃
敬聽旋聞卽遂榮上不果此來賦未見
君子之詩十年猶一日也維時春和伏
惟接武清華台候神相萬福某蚤得惡




疾形容如鬼自棄明時今老矣頭重目昏頷髭無黑者豈復取自通於當世有位之士惟聞賢者有進用之階世道有清夷之望以是自喜敢問學省之除在幾時大科異等不過爲入朝計耳似不必屑意朋儕中同志者以道卷舒而不視時俯仰竊計自處已定詩曰靖共爾位正直是與神之聽之式穀與女敬誦

此伸愛助妖子某再請鄉舉今就省闈欲一識先達因其行敬以一紙寫繾綣且以與妖子爲左右之容居山林久不閑書尺筆縱字大伏惟亮之

通趙章泉

某家金壇去丹陽驛七十里非得得枉道者不到故欲寄音無從中間凡再得詩三復可復自成疎之句鄉風長懷幾



不能遣莫冬得三詩欲屬范南卿附便
念南卿猶未除喪寧能作置書郵又爾
中輟今聞友人王去非將專人過番禺
道玉山謹以奉寄宣筆百枝匹劄併往
人生七十者稀過此皆是贏得吟風嘯
月其樂如何世徒以陶靖節解印綬賦
歸去來爲高不知其榮木等篇所期甚
遠所任甚重所樂甚真洙泗以還無此

氣象先生其斯人比歟某欽仰


回李秘書

某自聞召命之頽日傾耳以聽回船東
下且以日計曰可矣忽奉手教乃知當
此春晏猶艤舟江岸爲泝峽計易退難
進固足以崇高節抗浮雲獨不念當饋
之思仄席之久耶就審德盛仁熟罄無
不宜隨軒眷集動與吉會良慰緬仰聖



上克勤克儉有夏禹之德務學不愧商
高宗周成王而左右未有傳說周公之
輔秘書辭歸之章再上而報可未聞深
惟聖意豈但欲以史事相付而已願戒
舟師亟挾柁乘流以慰中外之望某年
迫七十視聽俱衰大非疇昔侍見時比
更化之初郡賢彙進頗聞有相援引者
今讀秘書奏疏又知嘗置賤名其間某

少也不才况今已老求之在昔固未有
四十辭官七十復出者所幸與王去非
爲婣家備知此心嘗爲精言於當路已
見諒矣盛意如許不敢忘頌祝宣毫洪
扇使內得以寫素抱外得以揚仁風感
喜可知一故舊有錫渾天儀幸求得之
謹以爲觀天之助有懷拍塞探伺舟過
丹陽因得吐露春寒猶力道間厚愛是



祝

回柴安撫


伏自丙寅開邊虜運浸微我之邊備亦
小弛然而遺醜未殄狼心故存乃丁丑
夏乘我撤戍長驅絕淮邊遽上聞中外
震駭惟執事隱然孤忠貫徹寄壖才足
以酬酢萬變智足以奔走群雄以浮光
孤城二千羸卒摧其堅鋒勦其萬衆爲

長淮千里保障當是時天下士無問識
不識皆想見風采恨不得備顏行奉要
約某雖不肖然必也亦嘗有志斯世寧
能泊然自棄私謂執事之道且行乎朝
廷矣而浩然有歸興殊不可挽豈味黃
石戒又先子房一著甚善甚善甚盛甚
盛靖節窮士得從檀公游具有故實况
某與執事寓里相望不遠百里命巾車



棹孤舟亦非難事自惟疾疢日侵形容
如鬼不可以入城市惟有懷仰天與幸
會令嗣判院搏扶搖而上竇始吾邑執
事復不鄙夷因而賜之書盥手發函長
跪疾讀蓋溫乎如惠風和氣之襲人炳
乎如隋珠和璧之在目洋洋乎如韶濩
正音之入耳其爲榮荷可勝言哉自冬
徂春以鄉邑民饑癘憂蠅營無補毫分

有稽奏記恐速罪戾尚惟高明以度外
處之未賜斥絕使猶得從綠野之游於
他日某伏紙拳拳寵頌某物尤切銘佩
吳箋三百得之親舊間頗勝常用者輒
以供翰墨之需某物併以薦比海坐中
一酌辱命之留幸甚時事孔艱正恐元
戎未應終棄人間事詩曰無金玉爾音
而有遐心勉之



經年不上記自識將軍禮數寬必不加
罪但某平生願屬馮異而台座亦逢人
說項斯人事好乖老未相遇謂此情何
春夏之交峭寒猶在恭惟味黃石戒從
赤松遊岱嶽爭高璇穹錫羨台侯動止
萬福某病骨衰頽鬢髮蚤白猶幸鑷去
可誑人以未老年來乃一向白盡全白

回周馬帥

者又轉而黃古詩云久知老會至不謂
便見侵念之憮然太尉德成於身功成
於國名成於天下後世來者更言體益
強健神光炯炯窮林園之勝過綠野堂
中人集壽福之全愈著英會中客盛矣
哉古未有也敢問比日有何賦詠願併
錄示使得成編布金寺曩求書額村僧
無從往謝謹爲納摹本去近懇常平使




者得錢劇社倉於里中欲求社倉二大字告不吝唐裔李秀才自言將踐約修敬因得拜此且以無灰酒十罇修歲貢拈秃羊毛筆不能成字伏惟照察不宣

二

頃因李君使附書其回也辱報字甚慰連月淫雨陰雲不開屏居水繚四壁大似坎中蛙氣悶悶不能吐來教之頌正

爾啟緘而雲翳劃開日光穿漏殆非偶然就審北辰回旋舊栖詠歌千古百靈呵護萬福來同意氣開懌不可言也向來五噫公論頗亦聞之竊謂世上是非初無定在人生禍福要有定分以其無定在則今日之是安知不爲他日之非今日之非安知不爲他日之是要不必深辨要有定分則聽之而已雖辨何益




眼前一輩說是說非說禍說福之人藉
方得志只是乞食播間者稍饑則又前
矣願太尉一切達之社倉二大字筆力
不啻千鈞重而更端莊停勻披玩不能
釋手某物并祝暑月水飯有相其敢不
德寒鄉窈人無一物可薦誠去歲一士
友見教造松醪飲之可治風濕腳氣造
成香味頗勝姑納上四尊倘謂可飲當

續致鄉間醋底向聞庖下頗有知音納
三十小尊輕瀆愧甚當暑壽重是祝


回何撫幹

別不計年悠悠我思無日不在震澤潯
溪之上也春抄幼子自梁科院處歸忽
領手筆乃知圖南之鵬曾未忘控地之
鳩鷓感外重慰入夏多故尋以兩水相
仍具謝不敏明星有爛有目具瞻况嘗




乘槎誤至天漢者耶朝來爽吹迎秋恭
惟幕府高閣台候神相動止萬福仕於
今難矣而大府爲尤難其位高而責不
及情親而言可入者獨上幕耳而執事
再居敢不重賀雖然盛名之下難居執
事疇昔以太學諸生上書論天下事慷
慨激烈士無問識不識讀其書味其意
徃徃壯其氣高其節繼聞彈冠出仕又


孰不遡風而想企踵而望曰是嘗有言
於未仕之前其肯媿嬰於旣仕之後而
側聽累年未有聞焉執事豈與庸庸者
比患不改秩患不立朝矜一語之合希
一盼之溢以自爲重哉傳曰三年不鳴
一鳴驚人三年不飛一飛冲天勉之而
已須先止顯學勤王錄序謾寫去殆不
可用唱和集序續納頌貺多品甚感吳




漫塘劉先生文集卷第十


箋聞板友書真是未能免俗書至此亦
以自笑秋後登高望遠必有佳趣傷今
弔古必有竒作母惜寄示金陵同官爲
最多其能以世道自任不唯阿隨俗者
爲誰皆所願聞






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




竊以季秋謹時天宇澄穆恭惟某官功
在社稷澤潤生民一德格天百神受職
鈞候起居萬福某山林賤士望光範門
邈在九霄間欲以姓名自通厥路無由
然一氣均調萬彙咸若孰主張是孰綱

上史丞相一


劄子

漫塘劉先生文集卷第十一




國立中央圖書館, NATIONAL CENTRAL LIBRARY, TAIWAN, R.O.C.

3452537 v.1




維是某粗有識寧不知歸仰惟大丞相
獨運化鈞協成乾造親扶日轂直上天
衢使四時調玉燭之和萬國仰金城之
衛宗社幸甚海宇幸甚某愚不肖少雖
妄意事功中年得疾自放於山巔水涯
聖主龍飛善類雲合某雖頽卧亦躍然
而喜願與扶杖癯老遊邀嬉戲共觀德
化之成不自意身亦在獎拔一人之數

既陳情引避至再至三復使驟脫選階
躡佐大府此事於國家曠典於士大夫
爲創見於某爲非常之遇不世之幸盍
即祇拜以贖前來方命之罪且勉自奮
勵以副大丞相特達之知而骨寒命薄
病不可強夷塗當前自繫其足惟大丞
相推天涵地育之仁深哀而曲貸之某
得全其疾病之軀而遂其丘園之性質



重受生成之賜身雖九殞其何敢忘抑
聞施必有報物之常理某病日侵年亦
邁而徃自度終無以自見獨有私憂過
計或可裨議論之所未及欽惟大丞相
於先越王秉國鈞軸其位遇同輔道先
帝翼贊嗣皇其眷倚同先越王再處台
可不俟溫席晚歲駕安車策靈壽杖爲
孝皇一出天下顛顛謂且留相天子曾

未幾時卽榮袞繡之歸是以福祿壽考
極於人臣德業勲勞傳於子嗣今大丞
相弼亮兩期十九年矣而不敢一日失
此重負自同於先越王何哉豈非以勲
名已盛權勢已隆欲奉身而退不可得
乎某竊謂爲此說者左右前後自爲身
計者之謀非所以爲大丞相計也大丞
相爵賞之用無黨無偏刑罰之行無怨



無惡尊賢使能不驕不吝故在位雖久而上下未有厭斲之心一朝褰裳而去主上必曰是嘗建大功定大業禮貌不可以不隆公卿百執事亦曰是嘗持國家紀綱守朝廷法度待士大夫以至公無私禮不可以不厚恩誼終始身名兩全當世之士必有能作爲歌詩頌贊寫之琬琰繪之縑素使萬世之下歆艷嘆

慕以爲不可及者又何疑焉今議不及此而惟徇目前喞然忿異議之來而幸其同則止戚然慮事變之作而幸其平則止縻之以爵祿而恩意有時而窮壓之以刑威而勢力有時而屈防之以知術而事常出於意料之表當是時左右前後之人志得意滿皆將自擇其身之利而大丞相獨誰與同其憂乎某病廢



以來得自適其適雖無爵位之安而危
不迫其身雖無富貴之樂而憂不入其
心每願持此以獻於有位者而無其階
伏念左右前後之人希容悅者多能不
逆畏其忤而直致其辭者寡輒因叙謝
裁具短啟申獻倘幸置坐側時一覽觀
以致其思是大丞相拔士疎賤不爲無
益其受大丞相超擢之恩不爲無報不

然異時追憾左右之不能盡言某亦自
悔其不及言無益矣是以不量位分罄
竭愚誠大丞相果能從赤松之游尋綠
野之勝從容天台四明之間以訪先越
王經行之舊某雖衰疾不任衣冠猶冀
幅巾短褐拜謁道左以自附於賓客之
下陳不勝愛助之至若乃言不成文書
不如式則野人之常併丐矜察之



通王中書

竊以歲華薄晚物意回春恭惟某官總
運籌簪筆之任推陳善閉邪之忠群聽
具孚百靈森衛台候動止萬福某比因
里中趙監鹽行附貢一箋計已呈徹不
嗣敬又踰月奎壁之光下餘萬物昏且
仰瞻士大夫平時局於職分嘗抵掌扼
腕悵有懷不申中書今以心膂之臣而


居喉衿之地經帷籌幄機庭眷府皆得
歷階而上擗袂正言必不忍唯阿時好
浮沉流俗使百世之下有所追憾某愛
莫助之徒深頌望區區之蹟自十月之
末拜給假將理之命即遵稟日事醫藥
緣所感疾多用涼藥服餌稍過幾墮鬼
錄亟服溫劑僅可少延然悴乎其容羸
乎其軀不復可仕矣骨寒命薄言之於



邑緣假限久滿迫不得已再以狀具述
控告伏望哀憐委曲借言於化地明其
本心非敢固爲沾激許令守本官致仕
或未忍終棄則且畀一嶽祠實受終始
生成之賜某本侯開歲申稟以狀中所
述非達官歲首所樂聞故及歲未盡因
里中符尉到選附呈或卽爲屬之省吏
或只迤邐免再紊煩洪造惟所以命


回王中書

竊以陽春布澤萬彙欣榮恭惟某官主
盟國是對越在天天棐忠忱台候動止
萬福某一自符趙二友之行再貢稟謝
劄且致懇悃不嗣砌又已閱月時時尊
慕矯首璇霄見奎壁之光爛然輒以自
慰伏承專使頒示省劄且賜珍染所以
開其未悟誨其不及者纖悉曲盡中心



藏之何日忘之非筆舌可狀改秩予祠
之命雖非所敢當勸遵來教不復引辭
中秘寓直朝廷所以旌監司郡守之有
勞效者某實何人而敢冒此藉有趙昌
父例某寒鄉晚學豈敢望昌父萬一申
狀中字字真實不敢飾僞得更借裏言
之重即賜矜允使不至有再三之瀆幸
甚故臘有雷野雉皆驚今二月旦日雷

雪交作雖不知其占何如然要非祥瑞
亦必有爲而然中書於丞相情分至厚
宜有以佐之乘此一反前事順人心以
回天意不然異時小有不至或者不能
無歸咎也中書愛某異於他人故某所
望於中書者亦非他人比伏惟勉之則
某與海內函生均拜大賜不啻於薦引
除授之私也某狂妄死罪




漫塘劉先生文集卷第十一

漫塘劉先生文集卷第十一
劄子

通如尚書

竊以即日恭惟某官下清吏選上沃聖
心天棊人佑台候動止萬福某瑣尾之
跡伏自庚午歲草率一牋以道鄉仰去
思之情辱賜報章浪跡江湖無從副敬
去歲審問九重求舊一札賜書起安石




漫塘劉先生文集卷第十一

漫塘劉先生文集卷第十一
劄子

通如尚書


竊以即日恭惟某官下清吏選上沃聖
心天棊人佑台候動止萬福某瑣尾之
跡伏自庚午歲草率一牋以道鄉仰去
思之情辱賜報章浪跡江湖無從副敬
去歲審問九重求舊一札賜書起安石



於東山登巨源於邊部縉紳興起宗社
安榮爲當世賀曲踴巨躍顧久自放繩
墨之外不復敢以姓名自達高泳深何
日忘之仰惟某官端靖之操足以鎮俗
之浮溫潤之氣足以納君於善卓越之
才足以措生民於理早冠多士歷著外
庸回翔三紀之間望實之孚如揭日月
故一朝召用海內函生顒顒望賜夫豈

囊從所得又稽柄用之期匪朝伊夕某
雖萬念已空猶願拭目某迫於手足之
義僭越有稟云云某舊疾不可復療飯
蔬飲水足活餘齡猶望知已登庸使庶
績咸熙物無疵癘庶含哺鼓腹得長爲
太平幸民敢私以請神依正直臨相靡
遙節宣之功粗矣故畧

通張寺丞




陳蕃之榻開北海之尊使之侍教誨於
左右觀道德於後先屬饜連日而後歸
慰感裝懷非復言辭可狀亦屢與二三
朋友約合辭稟謝出處不齊迄今未遂
辱華翰先之剌封莊讀識先生長者所
以容接後進之意委曲周悉一則以喜
而退惟不敏亦一則以懼也倒指還轅
條已累月竊計區畫已定昔人所謂林

園之勝鍾鼓之樂當不偏廢何當操杖
屨一從名勝之後臨風依詠悵無羽翼
家醪漓薄與官醕相伯仲客至無以接
殷勤正爾作惡乘壺拜貺色清味勝因
以想見德人風味更深銘著亟此稟控
不究謝悃萬一尚須專狀


二

竊以涼風應律殘暑倣裝恭惟某官心



與雲閑氣涵秋爽貴名益起新渥方來
台候動止萬福其一牋致敬辱賜之荅
日念造通德里以三徑之開爲松菊賀
雲關之不掩爲猿鶴賀賞心樂事之并
爲明月清風賀顧以病未能搖搖心旌
胡靡有定方舊疾未愈而新疾交作內
爲濕所攻而外爲風所襲兩手足俱痺
醫藥未效使者正以此時持台翰至剝

封莊誦詞如離騷經而意不減逍遙篇
疾讀一再過令人意氣豁然不覺沈疴
之去體矧又重之以腆貺筆墨等四者
尤極製作之精都文房之選顧寒陋何
足以稱惟珍藏十襲永矢弗諼而已長
者賜而弗親具謝乃使兒曹代書速矣
無可言者而情則猶在可恕之域上乞
矜體某已與張端裘王穎叔約湏餘暑



盡去即同棹小舟聽命於喜歸亭下毋
使山靈勒移幸甚幸甚


漫塘劉先生文集卷第十二

漫塘劉先生文集卷第十三

劉子

答知鎮江趙龍圖善湘一

恭惟某官坐嘯之餘振衣塵外神職後
先台候動止萬福某巖栖谷飲無恙悉
仰二天之覆矯首知歸開府以來日念
從吏民後致敬黃堂之下顏因病政不
復可對人以是自沮仁聲與京峴爭高



盡去即同棹小舟聽命於喜歸亭下毋
使山靈勒移幸甚幸甚


漫塘劉先生文集卷第十二

漫塘劉先生文集卷第十三

劄子


答知鎮江趙龍圖善湘一

恭惟某官坐嘯之餘振衣塵外神職後
先台候動止萬福某巖栖谷飲無恙悉
仰二天之覆矯首知歸開府以來日念
從吏民後致敬黃堂之下顏因病政不
復可對人以是自沮仁聲與京峴爭高



仁澤與江水俱流某雖在下邑無非仰
高山挹餘波之日也巧夕無酒搔首無
聊而靜治堂中肯分餘瀝整衿拜賜不
異淵明九日菊籬得酒之時雖即草草
稟謝而時方伏暑不克別貢一箋寫衷
曲以此自慊未知能識察否抑彊扶弱
理寃伸枉古之善政今旣許時施行已
有緒姦猾已服良善得己其所矣若循

行不已却恐滋告訐之風爲無辜之擾
願自今稍吝受詞稍省追解已至者速
決毋使久留庶幾治最全美于古有光
某受之知深不勝拳拳願忠之至金壇
前月之末亦有旱證一自使府委官下
縣祈求甘雨隨足頗聞上二邑今猶闕
雨鄉民於是爲之謠曰幕府隨車雨霧
電獨句金懸知賢太守此地最關心蓋



鄉民以舊治之故妄意如此雖未足以
知賢太守溥博無私之心然其尤切感
德之意不可誣也某輒因奏記代邑人
誦此以謝僭粵皇恐仰乞台焰

二

比者城圍之役適與病會虛下陳蕃之
榻莫脩孺子之恭歸來悵仰折俎追賜
業已遂舍無階控辭祇受愧仄日念餘

稟謝躊躇未敢伏拜台翰深極戰兢頌
示救災條目仰見思溺猶已同古阿衡
鄉邑句目來兩不絕禾之僅熟者多已
生耳令下而陰雲解駁詰朝而天宇開
晴信知賢使君一念上與天通以和召
和厥應如響更冀平糶秣之估使無科
抑止伐木之令使免憂惶庶凡此飲酒
無非飽德之人亦使喬木猶存不廢甘



卷十三
棠之誅某舊厠名仙里絜齋表侍郎薦
士籍中聞龍圖於絜齋頗有游從之雅
用敢恃聲氣之同而忘位分之隔數貢
愚言仰祈矜恕

三

金風薦爽萬寶告成恭惟某官歸然宗
翰爲國長城籌幄需才介圭促覲台候
神相起居萬福某方念薰葭嗣脩涓史

敬專使踵門伏拜賜緘之辱仰體謙撝
俯慙不敏某病不可仕浮游江海以寄
餘生六龍御天張八紘於宇內必欲遐
方萬里深山窮谷無一士之遺遂使沉
蹤亦叨異數脫選階而通籍由掾屬而
佐州超躡殊常省循震越自非某官念
受廛之舊憐卧病之餘賜以裏言吹而
送之何以得此雖病頽之駒必不可



起廢曳尾之龜欲終自適於塗中然此
賜厚矣何敢忘也魏弱翁治行朝廷之
所深知顧以京口爲國要衝非兼將畧
之長如某官無能任責肆煩因任以護
北門簡注方深某日與邦人傾耳以聽
三錫命之寵

回江東安撫趙尚書前人


恭惟某官肅將天威盪平淮土王三錫

命神百效靈台候起居萬福某伏自春
仲奏記脩賀謝之恭知籌邊鮮暇瀆尊
有誅不敢嗣貢惟心旌搖搖日與荷戈
執戈者後先五雲妙墨忽復與秦淮上
醪俱頽蓋尚書當凱樂獻功之時而俯
念山林獨處之人當灑酒臨江之時而
不忘流涎翹車之士此意厚甚某不足
當惟有榮荷下問萬全之策此雖尚書



之戲言然在某辱眈眈之私寧能有懷
弗吐竊謂自古收用兵之全功者必非
有罪者俱戮亦殲厥渠魁散其餘黨而
已尚書今已殲其渠魁而不求有以散
其餘黨方合諸道將帥嚴兵而固守之
使其絕逃生之望而堅其致死之心非
計之得也故某愚意謂大帥不必絕江
建臺在指麾諸將而已諸將不必合圍

攻賊在開其去路而已彼塗窮必死之
寇幸而可去如兔斯脫而回顧其後重
兵臨之若卵就壓其不跋前疐後者幾
希矣斯其爲全功孰禦焉不然大帥奮
然啟行諸將躍然奔命重圍四合百萬
齊驅何敵不摧何戰弗克而彼惟致死
以守堅城則我師進退不可閱日旣多
師老財費加之耕耨廢而禾稼無望暴




露久而疾疫將興某不勝瘴憂敢因稟
報肩及昧之今之世任天下之重誰出
尚書右者爲天下自厚某衰疾日侵無
由陪東閣竒士後但切拳拳

回江淮大使趙端明

歲序維新陽和肇布恭惟某官勲高當
代澤潤生民袞繡光華縉紳頌望鈞候
動止萬福某往歲恭承驅虎兕之師正

鯨鯢之戮以張國勢以暢皇靈以培我
宋億萬斯年之基某與當代能言之士
咏歌雋功若螽蟴虫鳴不能已已而草
茅位下軍府事嚴無由上達則又與田
夫野老日焚香仰天而祝庶或壽富康
寧與宋無疆至於脩小夫竿牘之恭貢
涓史興居之間以是爲鄙且瀆輟而弗
敢高明如日斯光如燭斯炳計必有以



怨之抑聞蜀道未寧浮光告急鷹揚之
師復盡屬麾下宜極倥偬而專使之來
荐賜誨誦辭情繾綣清尊旨酒羅則滿
庭則古人所謂好以暇好以整漢晉間
人羽扇綸巾輕裘緩帶以却敵皆端明
餘事甚盛甚盛某醉酒飽德當何如惟
相公熟圖之某感相公之先施希古人
之報效率爾妄發而盡畧其他且年老

目昏筆縱字大惟相公察之


回知鎮江楊大監


春序向晚百卉芳菲恭惟某官介圭入
覲禁彙須才天地委和台候動止萬福
某不肖頃歲辱濠梁鍾貳車傳道賢使
君之意俾記石韓二將徇國事踈謬不
能成文謂宜斥去繼承願示墨本知布
鼓不爲雷門所棄榮荷無涯景星瑞時



有目咸仰某此心炯炯寧昧所歸比者
天辛恭承易鎮得與受屢條教方頌膏
澤隨下雖積年之愁恨嘆息未易盡伸
而告訐不行霄政頓減吏歸于曹而不
得肆暴于外兵復其伍而不得伺隙於
內善者有所恃惡者有所畏千里之內
已欣然若更生某雖病骨衰頹跡城府
猶將旅扶杖之老拜舞黃堂下爲聖世


牧守得人賀而淮南惟憚汲黯遽煩十
乘之行宣室正思賈生更趣前席之對
神山已近風引船回雖不能無歛望之
私而道行乎朝廷則天下受其賜某與
有望焉亦以自慰竽牘寓誠蓋下事上
之常禮某始以爲不若親見之恭而不
敢遣繼以不知召還之速而不及遣鼎
來使介賜以朋箋情文粲然若施之敵






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



漫塘劉先生文集卷第十四


劄子

回嚴州陳寺丞

歲功更始寒事解嚴恭惟某官皂蓋頌
春群生開泰台候動止萬福某畧記永
嘉之別二十有四年中間事變不知其
幾所喜者吾輩或出或處各遵其宜爾
嚴陵輔郡藉郡計不裕要勝他處若使




陳立炎




國立中央圖書館, NATIONAL CENTRAL LIBRARY, TAIWAN, R.O.C.

3452538 v8



老十四
此時猶在章貢則當如何雖然章貢等處皆士大夫有以致之未可全咎他人使吾年丈兩三年來猶在彼盜賊小人恐亦未至陸梁也聞之此任後欲決歸計甚善仙郡士夫多有私援獨吾年丈可以自勉然得早歸更佳眼看時事度必無以杜方來之患頃歲青溪之盜永嘉得劉教授部分城下爲四廂八界了


不相紊與其他規畫皆可舉而行之亦易得人信從鄉間小縣素無城池小民狼狽皆有幸變之心而大家無遠慮但爲專利之計又某衰孱有言不信祇自悶悶戴子家生計聞蕩於水可念忠甫教授遂爲古人聞之痛悼釋氏輪回之說果信則此丈再出頭來必不爲凡人不然如遠游所謂仍羽人於丹丘留



不死之舊鄉此丈當之矣大事當已竟
某道遠不能致奠茲又不敢附便有愧
存沒專人賜書拊慰勤至楮幣及文籍
又有以見綈袍戀戀之意即已下拜但
有感激某疾病餘生年亦加邁不復可
出年丈更一二年亦當歸良會無從臨
紙惘惘任重道遠惟各勉之


回李尚書

竊以登高節近風露淒涼恭惟某官日
侍清光盡摠素蘊告庭有命中外想聞
台候神相起居萬福某比得一奉誨色
於呂城道中大慰三十年闊別尊仰之
懷還舍未幾即領直翰所以慰藉勸勉
勤甚厚甚某以乞終老田間而未遂正
爾皇皇未知底止故未感修謝茲又承
專介賜書且重之以藥物之珍皆老來



所不可一日闕而年來市肆所絕無感
激當如何某區區之跡向已嘗面稟本
不當贅別來氣血日衰疾病亦益侵最
是早歲習懶失於讀書間有剽聞今復
健忘蓋事甫過手文字甫過眼便如隔
世不異土木偶人以此人而使之應聘
清時入官王朝縱某不自羞獨不爲當
世羞乎以此斷斷不敢前所望尚書軫

念慈恩之舊且以近嘗控轡之故有以
容覆全安之而今不然既加之勸勉又
重之薦揚豈尚書愛之至而察之乃未
至耶某今亦不敢固執其愚見草一書
書成則欲以代其身謝君相不然即束
裝行矣伏丐矜照比傳入對數條甚強
人意亦頗見之施行否勝負兵家之常
而賞罰要當明白前時三京之入但乘




其虛頌賞之厚震蕩耳目汝蔡之敗喪
失幾何而悉委不問豈不欲四海之聞
知抑不欲自沮三軍之氣耶尚書以爲
如何某亟拜厚賜而田野間無一可見
下悃丹陽藥院黑錫元併某物同拜納
敢乞視至他須嗣敬茲得以畧

通知泉州直侍郎

仲春令月時和氣清恭惟某官戟衛戟

塗綵衣容與百神森介台候動止萬福
某疇昔一牋稟謝先辱時方旅處控叙
弗虔歸來干分自嫌弗敢嗣敬流傳讜
議日星孔昭仰止高風山嶽屹立其未
見止此情謂何恭審當宁䟽恩便鄉得
郡宜近而遠後天下先一州誰爲此謀
熟念令人太息然擁千騎奉板輿錦衣
行畫綠髮不受二毛人生此樂亦何可



卷十四
十一
得多某亦不覺手私爲門墻賀也某不
學無文猥辱過聽俾撰忠宣堂記某冒
當不辭竇欲因致一言少見愛助旣黽
勉就緒即欲拜納私念當建臺時納去
不但鄙文不稱或舍人牽於不得已刊
置壁間異已者或得藉口故遲遲至今
方克遣前得一關聽覽便與擲去幸甚
若夫杜撰不能成文則始也托非其人

舍人當任其責今旣不外示則責亦不
必兩施也李果州王總幹皆言從者欲
一到茅山某因欲拜道左快覩星鳳候
伺連旬而車音杳然屬以先塋整葺藩
籬及種松刹薪皆在此時不果脫身謹
拜此令人奉候泉南寓公傳閣學言論
灑灑非他昆弟比雖政事非所長使獻
替人主左右必有可觀者然亦老矣會



漫塘劉先生文集卷第十四
間乞爲拜下誠他惟恚調鼎社避遠聲
色使身安志強弘開久大之業某與海
內函生旦旦引領

漫塘劉先生文集卷第十五

劄子

回福帥李大卿

秋屆仲月物迓西成恭惟令肅七閩墾
高群輔台候神相動止萬福某屏跡山
澤歷年已多無階登執事之門爲執事
之御然而池泰拊麾之政江淮轉餉之
功若揭日月之行某猶具耳目寧不之



漫塘劉先生文集卷第十四
間乞爲拜下誠他惟恚調鼎社避遠聲
色使身安志強弘開久大之業某與海
內函生旦旦引領

漫塘劉先生文集卷第十四

劄子

回福帥李大卿

秋屆仲月物迓西成恭惟令肅七閩墾
高群輔台候神相動止萬福某屏跡山
澤歷年已多無階登執事之門爲執事
之御然而池泰拊麾之政江淮轉餉之
功若揭日月之行某猶具耳目寧不之



知詩曰高山仰止某心拳拳又曰景行
行止愧未能也忽拜直翰以小令嗣稅
院銘文爲諭某昨固有聞以爲稅院致
遠之器必未止此且道路之傳未審也
而今審矣爲之流涕竟日山谷悼邢居
實詩謂眼看白璧理黃壤何況人間父
子情誦此更助悽惋執事以月卿之望
作牧東南東閣之士載文筆都儒林者

何可勝計願授簡於某豈以某介友人
胡伯量得納交於稅院故耶某深惟此
意不敢不領厚賜亦以敬拜恐亟遣稅
院喪歸銘文不可緩謹留來价三日草
具以徃或未足稱歸來望思之情從大
手筆徑自更定可也姻家王穎叔肩當
邵武之任亦惟帥府是恃聞其去國時
請于當國乞給黃榜許赦賊徒之降者




惟賊首不與却許徒中殺賊首以降而重其賞此意良是或傳招漕諸司更欲許賊首之降庶幾其來以幸早定度必以事力不及不得不爾但與黃榜初意相戾籍其乞降誠否何可知台意以爲如何秋氣日高場功既畢恐此事尚勞區處寬財賦之誅求真弭盜長策稅院垂沒之言大卿其忍忘之外此更乞於

應酬之餘厚自愛養以上副 聖天子之隆眷內慰太夫人之慈懷某與海內
函生一飯必祝

二

孟秋謹月殘暑倣裝恭惟某官任同分陝化浹全閩田里阜安天人協相台候動止萬福某伏自去歲飭一箋謝專貺之辱後此亦間有閩中便仰惟大卿以



卷之五
一身任東南之責方若拯溺救焚豈應
山野之人數以姓名上溷以是不敢然
斗南之仰斷不他属捷足扣門重拜五
雲之翰情文爛然既勤且厚而箱篚之
實又有以將之某於分爲卑於輩行爲
晚何足以當祇拜以還但有感愧兩令
嗣相繼淪謝聞者猶不堪而况所天雖
然修短定命自宣聖不能留伯魚之死

大卿宜知所處矣王邵武歸誦大卿之
德非一某與有感邵武始爲此行某固
疑其未然中間盡心竭力爲之亦既有
緒而諸臺厄之於上驕將梗之於下竟
不克美成詠無將大車之詩使人三歎
大卿之於邵武事之可者翼而成之其
僅有成者誇張以激厲之至其有所未
可亦從而覆護之所謂其心休休然其



如有容克之是心也足以相天下矣歎
嘆敬嘆淮土東作久廢百瀕皆仰之江
南昇閩薪米雞豚等物色色湧貴他州
亦畧相似今夏久雨下田多浸冬春間
必大闕糴恐事變或起於此聞大府所
糴廣米最多或更可招致客販不妨過
用力也閩事幸少定而蜀事方殷淮土
積年所行皆非實政今遺其民祇如燕

巢幕上大卿恐未容斂惠一方竊乞對
時自厚某鄉風忱祝

通浙東余提舉

歲序聿新青陽開動恭惟六轡載馳百
靈胥衛台候動止萬福某不侍見二十
年不上記亦十五六年矣疾病餘生於
親舊間大率如此德尊道高有如年兄
固未始不一日引領南望也茲審錫節



中宸建臺東道以起家之驟知眷注之
深以去天之近知召用之速凡忝游從
孰不效貢公喜年兄抱負如許一朝得
展其學行其志其所自慰者當何如敢
問輶車以何日首塗何日到治所某老
且病無從陪幕府如向時此情惘惘趙
昌父老丈能時相見否宮祠似不必固
辭不知得請否某晚末叨承誤恩得附

老先生後以榮以愧金陵舊游甚念一
到而賤疾已深不復可出骨寒命薄有
負明時良用自歎因里中某人便拜此
六條之察方新想見應酬之多公餘不
忘自養以須柄用是祝


回季理卿

孟夏之月晝永風清恭惟某官直館燕
閒嚴宸簡在神人具依台候動止萬福



某去門墻之日雖久而去思之情猶與
邑人同之初不以地之遠分之殊爲間
也歸來珍染知賤姓名猶荷記存欣慰
無限大卿俊逸之才足繼賀白仁厚之
德不愧於張回翔惟月之班未究補天
之術絲綸夜下海宇顛顛某區區之蹟
自金陵之歸即染駁病形容醜惡不可
出人前年來加以氣體弗強耳目昏聩

公朝過聽賜以招徠某實審於自量不
敢冒進朝夕慄慄恐干方命之誅有以
覆護而存全之惟於門墻有望願毋忽
然令嗣小試警曹家門復托隣封之庇
殆有天幸辱書已別具報衰老不事彌
文一水相望有暇却當嗣記



漫塘劉先生文集卷第十六

劄子

回婺守趙告院

秋序將半金氣高明恭惟某官千里謀
 歌九重簡在穹祇協相台候動止萬福
 某屬饜令聞有年於茲矣頃承闕甥館
 之間惠顧蓬葦倒屣迎見此維其時適
 侶漁樵漫浪山澤旣歸則門徑寂然僊

國立中央圖書館, NATIONAL CENTRAL LIBRARY, TAIWAN, R.O.C.



漫塘劉先生文集卷第十六

劄子

回婺守趙告院

秋序將半金氣高明恭惟某官千里謠
歌九重簡在穹祇協相台候動止萬福
某屬饜令聞有年於茲矣頃承闕甥館
之間惠顧蓬葦倒屣迎見此維其時適
侶漁樵漫浪山澤旣歸則門徑寂然僊

國立中央圖書館, NATIONAL CENTRAL LIBRARY, TAIWAN, R.O.C.



駕已不可望矣寄懷簡尺畧著勤拳而未見之懷愆如調飢今猶昔也豈期謙德不鄙衰孱專介鼎來直翰與腆施俱辱下拜登爰感愧裝懷仰惟某官致君事業嗣忠定之傳瑞世文章得頤堂之印亦旣宦塗歷試固應要路立登上方總攬權網究心民隱必欲更治民以考功功大者其報宜厚肆迂逸駕三鎮雄

藩寶婺委寄之重旣甲於京畿而治平之課復爲天下第一旋歸有詔識者數日以冀某少不學老無聞重之以不可掩之疾雖欲強顏與世追逐勢有不可其敢進趨於人主之前以此雖荷招徠縷縷控辭尚丐哀矜賜之容覆使卒免於戾惟是雲泥憂隔邈無侍見之期鄉風惟上體國謹身之祝



通鄭常州

季夏謹時恭惟某官肇開太府權動屬
城天聽自民台候動止萬福某遠遠熒
煌之座歷年浸多自惟陸沉之人不敢
僭申消史勩令德雅望如星斗昭回昏
旦仰止頃歲姑蘇寄居方教授書中近
者里中趙安吉脩勩之日皆辱寄聲某
踈賤何足比數而記存如許第有感刻

即中學足以高世而居之以謙才足以
濟時而養之以晦踐揚中外亦既如囊
中之錐穎脫而出庖丁十九年之刀恢
恢乎刃游餘地矣意遂簪筆持橐布武
星辰之上而猶俯爲此來蓋上念毗陵
父罹虐政妙選一世人物來任蕃宣無
有出即中之右者東方千騎來曾幾時
而田里愁恨嘆息之聲已一洗而空之



况報政之後耶甚盛甚盛舊某以病歸
老去逾甚形容豈但非復故我曩者疊
肩誤恩悉由推輓之賜入山益深竟不
克以一牋控謝諒在高明必不賜咎茲
以一屢之居距治境不遠敢以登門之
舊僭修賀屢之恭暑氣方張并上滌煩
御涼之請率畧悚仄之至


回張和州

涼風披拂金氣高明恭惟某官十行錫
命千騎趣行百神後先台候動止萬福
某放浪山澤不上籤府敬之日久矣然
每聞治民之有成績立朝之有正論未
嘗不歛衽敬歎且賀先侍即先生之不
亡也鼎來使介旌之以手書重之以珍
貺下拜登受感喜其何可言某官明敏
之姿卓絕之才而英詞妙翰又有以發



卷之七
揮之此某蚤歲於孔庭窺見其不可及
而向來治民之績用立朝之風采又表
表在人信矣先侍郎先生之不亡而執
事之有光於前文人也某少迫於貧不
克裹糧從四方宗匠游聞見淺陋循幸
先侍郎老先生不鄙其獨學無所聞見
收置幕下朝夕奉令承教得不爲小人
之歸今雖年垂七十視茫茫髮種種然

一念不敢亡也朝廷更化求靜退之士
以厲薄俗徒以某三十年家居謂其近
似賜之招徠而某實非其人辭避數矣
而俞音尚闕有以覆護而存全之於門
下有望焉所賜某物皆寒家所未有不
敢不拜適有以某物爲惠者謾侑回緘
區區欲言尚須嗣貢未由會見更祈酌
涼燠之宜謹茵鼎之奉以迎召節台眷



不敢僭申問敬京口委役惟所以命

回建康范教授

恢台肇序清和可人恭惟某官業擅斯
文望重一府神不徹衛台候動止萬福
某屏跡山林不與世相聞十有六年矣
故歲偶以大兒率意西游尋聞預在講
席冒昧以一箋自通且謝且祈辱不鄙
即賜之答又申之以問訊之書十襲以


藏於今有耀旋聞司文柄於會府便道
歸覲慈闈切意即遂留中不敢嗣音令
名星斗爭輝但勤仰止忽奉專教知猶
俯徇常格歸蒞芹宮以須班政慰浚良
深不敏益重自愧執事以粹學傳家以
妙年擢高科有聞于世有援於朝騰躍
而上蓋將羞崑崙薄蓬萊豈其他寸進
瑟縮若凍芋抽萌者比然進銳聖門所



戒急流中更須整棹徐行執事所以自
處誠得之矣某惟有敬嘆惡札遂揭之
廣文官舍之前深懼不稱頌示刻本且
有珍饈感何可言介旋亟此具報不盡
下悃偵伺解組續當遣賀一節多兩恐
梅蒸必早齋成以居高明行矣其時某
不勝愛助之私敢預以請


通常州余教授

維時陽春布澤萬物生輝伏惟志以道
鳴尊候神相萬福某嘗謂文以氣爲主
年來士大夫苟於榮進冒於貨賄否則
嗚呼嚙喘如事婦人類皆奄奄無生氣
文亦隨之比見里中士友皆欲東去從
足下游其歸也又傳高文三紙如古檜
畫龍詩及祭坡翁辭固疑其卓犖奇偉
異乎今之文人及扣足下之爲人與其



命題發策向之疑者益信起敬起愛悵
執鞭之無從也嘗讀杜少陵古栢詩頗
有愚見試爲足下誦之夫落落盤踞雖
得地冥冥孤高多烈風扶持自是神明
力正直元歸造化工我踞得其地烈風
雖多亦何畏藉曰天之杙我神明固亦
扶持之然所以可扶持者則亦以元來
根本有此正直爾今此古栢稟於天者



既異凡物又踞得其地其視鸞鳳也鳴
鴟也螻蟻也蛟龍也等是巢穴中一物
其去其來於我何擇於我何有乎美末
章苦心豈免容螻蟻香葉終經宿鸞鳳
之句似未免小小計較切恐不足以見
古栢之大如何詩曰心乎愛矣遐不謂
矣因諸友及舍姪行畧此寄聲因風多
寄高文以起衰懦是望




漫塘劉先生文集卷第十六


卷十六

古書流通處







國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



漫塘劉先生文集卷第十七


七幅劄

回鎮江守韓監丞到任


冬序向晚春律將回恭惟某官肇開大
府宣布上恩千里歸仁百神受職台候
起居萬福某不揣寒微敢飭一牋脩民
禮於黃堂之下且以謝先辱乞不斥去
某仰惟監丞之來爲闔境社稷民人之



國立中央圖書館, NATIONAL CENTRAL LIBRARY, TAIWAN, R.O.C.




3452539 V9



主百靈之在境内者何遠不届何福不
臻申承候之儀爲瀆進頌望之語爲僭
某不敢某恭聞聖上以淮土繹騷京口
實阨其衝而先斬王寶廟食茲土肆煩
千騎亟爲此來肇敏戎功以光先烈歛
惠一州雖未足爲門下賀然尹鐸旣至
晉陽以寬則所以爲趙氏保障者庶其
在此某敢不爲天下賀某恭以某官生

長富貴而自奉若山澤之儒天分之高
學問之粹而隆師親友常若有不及者
此其立志之堅持已之嚴求道之至直
足以特立當代之表其見之辭章施之
事業蓋其緒餘方貴名日起某時猶服
役州縣間曾未獲一登龍門而以疾廢
望蓬萊瀛洲遂有弱水三萬里之隔不
圖莫景乃得受屢爲氓某幸甚其蚤歲



應舉覓官頗亦有志事功中年得疾形
容如鬼不容不歸耕隴畝欣戚與野老
同之年來官賦益苛鄉鄰之生理益困
雖甌有餘粟懼不得獨飽比老稚之迎
於境上者來歸爭傳好語殘生餘日遂
得及於寬政曲踴巨躍某惟用下勸上
非言無以自見儷語一通皆下里巴人
之言幸一笑粲某惟分卑而言親皆當

有慢上之坐問眷請委尤其甚者敢畧


回魏知縣到任

月當季夏風薦微涼恭惟某官趣駕鼎
來闔境候望神司聽勞台候動止萬福
某謹三沐三熏酬委貺之先仰乞台照
某載惟騶馭之來將解燒除苛導迎和
氣於一邑顧何禍不除何福不增不勝
愛助之私猶於取舍之間勸上節宣之



請某恭以某官天分獨高風猷夙著鍾
雙溪疊嶂之秀探六經百氏之傳粵從
簿領已聳縉紳之望踐揚滋久譽處益
休已通籍於金閨宜進儀於禁路以遂
復公侯之始而最爾邑猶辱照臨之非
幸耶上方更治民以考功由密令入爲
三公具有故事某傾耳敬聽某屏跡山
林萬事不到耳惟國人皆曰賢如門下

者蓋切聽而稔聞之願方分席漁樵願
一拜下風不可得天假夤緣乃今將以
民禮見引領前驅心旌飛舞某至愚極
陋少不自揆妄意功名中年得疾看鏡
非復故我遂賦歸來迄於今更十有九
寒暑髮之黑者白目之瞭然者昏矣今
上初政顧旌其靖退賜之招延某跡似
實非不敢冒當縷縷陳情亦旣得請枝



巢自托樾蔭焉依有以覆護而存全之
幸甚某未見顏色而言伏紙愧汗某屏
居以筆硯爲長物不復到手拜長牋之
辱愧感不自勝輒飾其固陋之辭以謝
萬一仰乞矜照某疎賤不敢修台閣大
眷之問疾病餘生亦不敢僭干驅役仰
乞台照


回林知縣到任

魯雲紀瑞堯日迎長恭惟某官已屆瓜
時將臨花縣先聲境壓和氣充間台候
動止萬福某受厘之人盍奏記以候前
驅矧勤先辱衰年不敏仰丐矜察某仰
惟旌御此來將廣九重之澤以綏百里
之民山川有靈紛馳薦祉宜也某爲是
不敢贅申寒燠之問亦不敢僭上鼎茵
之祝某恭聞聖天子以民社之寄治忽



卷十七
五
之原非威望久著可戢姦偷井邑相望
深知疾苦不輕委畀某官以天分之高
傳家學之粹南昌小試同子真之隱藍
田再轉有斯立之高而一念拳拳惟恐
食焉而怠其事是致績用有成聲華赫
奕矧惟寓里實邇鄉邦擊柝相聞問津
孔邇固應大君有命遂令父母斯民仰
惟道之將行喜慰無斁某以垂盡之年

將覩維新之政墜塵欣舞倍萬常情某
昔歲往來閩浙熟聞譽處年來故舊之
居瀨陽親黨之居句曲者誦盛美皆不
容口以是起敬起愛不勝區區之情而
日分席漁樵曾未果通名於下執事乃
今將親率鄉之父老迎拜道周而與鄉
之後生子弟受教於棗堂之下幸甚幸
甚某瑣尾之蹤蚤歲濫綴仕籍頗亦有



志於民中間得疾遂不可仕今日邁月
征而志益衰學益廢駸駸與草木俱腐
起其廢振其衰於賢大夫之來有望焉
敢於未見顏色之先敬申懃請某比勤
命介寵以朋箋燦然若風蟬碎錦頹而
鏗然如金薤垂琳琅展玩殆不容釋手
桃李之投瓊瑤之報詩人猶曰匪報也
乃今反之伏紙愧汗某敢再拜敬問台

闕大眷仰惟至和所召何福不臻伏恐
條教有預合稟承者敢乞頌曉

三幅劄

回趙撫機通問

夏令方中天宇清潤恭惟某官從容帥
府領袖賓僚天啟脩程台候動止萬福
某勒此以謝委貺之先不恭是懼載惟
傳家之學經世之才宜立登要津以昌




卷十七
七
事業談笑紅蓮之幕見謂遲迴然尺五
去天階陞有日矣惟益厚所養益充所
存使陰陽之寇遁而福祿日來是所願
望某頃歲荷先令兄宜興大夫以其所
居距治境爲近而忘其人之不肖時時
賜書以勞拊其餘生某亦自忘其身之
不肖時時妄發以庶幾有萬一之補一
朝千古懷哉此心忽來誨函俾述遺愛

之在民者以備太史氏之求某非其人
其敢冒當然宜興之誤知不可忘也執
事之厚意不可孤也敬當勉述所聞嗣
便以稟伏乞台焰某疎賤自嫌不敢僭
申潭府之問辱委未知所稱不敢他請

公劄


代錢丞相奏劄

臣以非才世受 國恩再陪政路茲又



叨承乏使蠟登次輔揣分度德震懼靡
寧累上封章丐歸田里方命罪大猥荷
矜容 天威所臨其敢喋喋而職事所
在有不得不先爲 陛下言者國家萃
幾務於中書而總之以二三大臣此其
任甚重其責甚專昨自儉人弄權率意
妄作政令之施設始有不由中書人才
之用捨始有不由廊廟予奪失當措置

乖方迄至年來毒流華夏 陛下聖明
雖深懲已事之失而禁廷深遠猶恐徃
前日之習謂爲常事故臣願 陛下自
今以始凡舉一事凡用一人若大若小
若內若外必與臣等公議而公行之凡
特旨內降一切不出或猶有蹈常襲故
者容臣執奏一切不行庶幾國是不搖
俾門不啟或臣等議有未盡行有未當




非預此奏陳異時求倖進而無門欲速
化而無策者必且以怙勢專權間臣於
陛下 陛下左右亦且以人主不得自
由之言證成之方是時臣雖欲自辯有
不可得故不得不先爲 陛下言之

陛下以臣言可行則乞以臣此章誣告
中外俾皆精白一心以待朝廷之公選
臣雖至愚猶能勉策疲駑圖報萬一不

然所謂具臣爾具臣去留寧計重輕願
陛下毋俾臣留全臣之去臣不勝至願
取進止

漫塘劉先生文集卷第十七




漫塘劉先生文集卷第十八
表

代賀 孝宗瑞芝表

慈親有喜洽和氣於九重列祖垂休發
佳祥於三秀慶源增永薄海均驩恭惟
太上泊然無爲靜而能應一飯再飯而
乃間釋聖子之憂勞先天後天而弗違
格高穹之瑞應旬有二日序半三秋當

國家圖書館, NATIONAL CENTRAL LIBRARY, TAIWAN, R.O.C.




漫塘劉先生文集卷第十八
表

代賀 孝宗瑞芝表

慈親有喜洽和氣於九重列祖垂休發
佳祥於三秀慶源增永薄海均驩恭惟
太上泊然無爲靜而能應一飯再飯而
乃間釋聖子之憂勞先天後天而弗違
格高穹之瑞應旬有二日序半三秋當

國家圖書館, NATIONAL CENTRAL LIBRARY, TAIWAN, R.O.C.




卷十九
世世勿毀之庭有葉葉重光之慶於昭
景貺兆自淵衷臣猥以非才肅將明命
先覲爲快莫陪俊武於金闈盛事流傳
遠想靈華之玉潤

代賀 光宗瑞芝表

未央稱壽先萁莢之再旬清廟發祥產
靈芝之連葉慶均八表兆自一人竊以
受帝祉而施於孫蓋創業開基之本意

有天下而尊歸父亦繼體守文之常經
非宸心曲盡於精微則和氣曷從而感
格 陛下以虞舜之孝盡文王之勤富
貴不足解憂惟思順志朝暮必親問膳
迄底復初千秋開震肅之期九陛集尊
崇之典輿情悅豫宗祀光輝宜齋房之
英曠百王而啟瑞當裕祭之室表列聖
之同休臣猥備驅馳欣傳盛美特揖屢




揖而三揖悵阻奉於威顏大書特書而
屢書諒增光於紀述

啟

上江東安撫


鎮千古虎踞龍蟠之地逖詹大司寇之
尊察一邑鼠竊狗偷之姦猥司南部尉
之職分之相去雖如蓬萊之隔弱水德
之有容則如江漢之納細流介子墨以

薦誠冀司籤之委矚切以驅馳之賤無
如警捕之司事雖猥而貴於必親權至
輕而易以速戾故子真甘心於市卒而
灞陵激怒於將軍矧惟建鄴之民尤萃
長干之里連薨萬戶列戍五軍退慙年
弱以貌羸曷底令行而禁止敢以塵埃
之末仰祈山藪之藏某官以命世亞聖
之才富博古窮今之學名揭日月而蒙



以養正氣塞天地而謙不可踰風雲入
壯懷卑登要路日月開黃道直上禁途
上念二千石莫盡於母慈乃數百里出
臨於姑孰襦袴方騰於歌詠絲綸已促
於還歸夏道之近人雖後刑章之用秋
官之率屬益令德意之孚宜正位於三
台以示儀於百辟帝意先定僉謀協從
惟六朝之故都控兩淮之重地令嚴帥

閩震萬里之貔貅望重留司肅九關之
虎豹何啻股肱之郡是資心腹之臣朱
幡爰自於東來丹旻已寬於北顧旣治
居天下之一宜晉膺畫日之三屬叩關
願借於寇恂故增秩姑留與黃霸聽輿
人之頌我公無以歸兮促相國之裝朝
廷行名用矣某家徒四壁教稟一經雖
程能再冠於鶚書然擢第竟羞於牛後




大冠黃綬幸備使令於十國爲連帥之
時布襪青鞋敢自暴棄於一氣轉鴻鈞
之日

通上元知縣

絃歌美化方藹譽於西州蜚楚微官行
依光於東壁喜彤手舞幸過心期敢於
雉見之先冒貢魚封之敬某官泰岳祚
嗣熙朝世家文章鋪錦繡於筆端才畧

妙經綸於天下三千里宜張於鵬翼十
九年尚屈於牛刀衆謂非宜公惟自得
愛日御冬而良民心悅嚴霜戒秋而黠
吏瞻寒乳雉在傍已化嬰兒之慕非熊
協兆行聞尚父之歸伏念某壁立寒家
管窺末學再登鸚薦慙居糠粃之前一
躍龍門猥廁塵埃之末瓜期已及樾蔭
焉依君子秉心諒笑白圭之壑小人何



幸遂沾晉國之波


漫塘劉先生文集卷第十八

漫塘劉先生文集卷第十九

啟

賀辛待制知鎮江

奉上密旨守國要衝三輔不見漢官儀
今百年矣諸公第效楚囚泣誰一洗之
敢因畫戟之來遂賀輿圖之復豈比兒
童之拍手謾誇師帥之得人某官卷懷
蓋世之氣如圯下子房劑量濟世之策



幸遂沾晉國之波


漫塘劉先生文集卷第十八

漫塘劉先生文集卷第十九

啟


賀辛待制知鎮江

奉上密旨守國要衝三輔不見漢官儀
今百年矣諸公第效楚囚泣誰一洗之
敢因畫戟之來遂賀輿圖之復豈比兒
童之拍手謾誇師帥之得人某官卷懷
蓋世之氣如圯下子房劑量濟世之策



若隆中諸葛大兒僅數文舉上床自卧
元龍嚇然勲名付之談笑繩鴈驚於三
尺俾愁恨嘆息之俱無隸羈虎於五符
使災害禍亂之不作田園歸去翰墨生
涯馳騁百家搜羅萬象得其小者風蟬
碎錦禪宏而肆之金薤垂琳琅落紙雲
煙爭光日月上會稽探虎穴方八命九
命之增崇坐宣室思賈生忽一節二節


之促召皇圖天啟虜運日衰壺漿以迎
父鬱遺民之望肉食者鄙誰禪上聖之
謀星拱百僚畱同一說自介圭之入覲
借前著以爲籌究財貨之源流指山川
之險易金馬玉堂之學士聞所未聞灞
上棘門之將軍立之斯立眷惟京口實
控邊頭雖地之瘠民之貧然酒可飲兵
可用繭絲保障豈惟增北固之雄約軼



錯衡旋即首東都之會某年幾四十才
僅下中向須菽水之供故五斗米是爲
今罹風樹之感雖萬鍾祿何加未忘父
教之忠有喜國讎之雪矧鷦巢之有托
豈燕賀之敢稽未終素鞶之期莫扣黃
堂之下執舍人之役雖阻見于曹叅勤
燕然之銘尚或須于班固

謝辛待制

孤生屏處已載二千石之良專介鼎來
忽拜五十鎰之餽周之則受感不容言
伏念某未報劬勞薦罹禍釁願何求於
當世惟苟活於殘年時扣城闈愧未忘
於舐犢日趨幕府幸已遂於登龍載月
端歸望塵弗再方慙竦慢敢意記憐欲
於燕寢凝香之餘進之樽酒論文之列
雖回舩已遠莫陪瀛州山上之游然折




卷十九
三
矧寵頌猶是北海坐中之客自惟庸瑣
何克堪承茲蓋伏遇某官憫士之貧行
古之道謂唐賢之鎮蜀頗加厚於少陵
而長公之師杭亦垂情於和靖故茲厚
意誤及微蹤不勝銘珮之私就貢管蠡
之見今歲之稔雖及七八時雨之愆豈
無二三如聞里正不申被旱之圖縣吏
憚受訴災之牒倘陳詞有踰於八月則

顛哀莫徹於二天仰冀慈祥函垂矜憫
賜之揭示許以實聞庶使窮閭盡被邦
君之惠是爲小子不孤國士之知


通知鎮江倪尚書

陳善閉邪正賴六官之長承流宣化忽
來千里之邦雖北府盍付重臣而南面
可無拂十出人望以在外識時危之可
憂肯把一麾而來猶爲三邑之幸某官



卷十九
凜然大節行乎累朝晦冥日星汗塗王
雪四維不張國乃滅力排當世之非匹
夫不獲予之辜勉爲斯民而起屬世變
之愈下而事勢之適窮空玉帛以交鄰
理難善後磨金穀以養士戰則不前旱
魃與飛蝗相仍楮幣與青蚨懸絕併日
一食斗米千錢田里之間多賣產以鬻
妻道路之上有拆骸而食子渤海之盜

必起潢池之中季孫之憂豈在蕭牆之
外前車之覆轍不戒當筵之舞袖更長
有社稷臣於公近之矣欲邦國治捨我
其誰哉泛觀論諫之數十百篇可誅貪
夫于千萬世下雖七年病三年艾若未
易以遽廖而一女正百女淫尚或仗之
知耻胡爲勇退莫遂留行膏肓若何藥
石去矣幸厥今股肱之郡無如吾父母




卷之九
五
之邦孔子用則行舍則藏本泰然而無
我京口酒可飲兵可用寧薄之而不爲
惟戰衛之疾驅慰履封之願望某丁年
一第新歲二毛壯志蕭條着鞭焉徃病
容滋漫看鏡自慙猥以名聞許陪堂審
譬諸倦翼圖南何爲如彼泉流得坎即
止猶叨祠廩以累縣官鮒魚之活斗升
敢久私於德賜鳳凰之翔千仞願即聽

於名還祈嚮深深敷陳罔旣

賀趙守禱兩即應

伏審憫兩惟勤籲天有請雖此邦之遇
旱比及三年而其澤之應祈不俟終日
亶惟異事盡揜前聞端已某官愷悌存
心中和布政視五穀之不烹猶已飢之
自三日以爲霖其禱久矣故爐煙之甫
炷即協氣之橫流不我後不我先油然




作沛然下某心馳府上身絆田間亟趁
朝餐驅耕牛於麥隴更祈夜月無吠犬
於花村

謝史守招鹿鳴宴

身同鷓退父自放於漁樵宴起鹿鳴忽
許陪於俊秀仰祇厚意俯愧微蹤竊以
擬人以倫歌詩必類方食苹之雅詠散
入管絃正連茹之群英進陪樽俎豈應

野服輒廁廷紳如某者疾在膏肓形於
面目既有慙於看鏡遂絕意於着鞭西
陌東阡幅巾來往南洲北渚短棹夷猶
此已同鷓鷯之盟彼方接鴛鴻之武旣
殊出處難奉從容豈意博封特枉郇公
之翰更勤專使來臨顏闔之家茲蓋某
官以道而觀取人所弃謂鄉里所貢故
足備於時須而山澤之臞或可談於物



外故因盛集特賜兼收而某楚龜自適
泥塗魯鳥難堪於享禮辭齊王出東郭
此心實異於孟軻從江州游廬山他日
倘同於元亮

賀丘守再任

陸華舜閣因任吳頭老稚歡呼大慰攀
轅之望江山動色重歸賜履之中凡曰
有知同心贊誅某官英資天賦正學家


傳欲不昭前人之休不苟徇流俗之見
從容宰掾已贊洪鈞密勿禁塗即持紫
橐函奉守符而出再經歲籥之更復從
漢家增秩之常以副河內借留之請觀
其勇於求退而進之難知其介然自持
而守者固敢爲世道賀豈特閭閻私夫
久而易玩者常人之情去如始至者君
子之事今邊塵未息民瘼尚多精神若



爲而可以折衝利澤若爲而可以及下
京口之兵可用當不愧宣武昔日之言
晉陽之城爲歸庶不孤趙氏他日之托
或強者欲掣其肘貪者欲肆其心則當
官而行在我而已寧可鬱鬱居此惟將
望望去之某於部封公所矚矚肯同餘
子僅修溢美之辭願與編昨更聽維新
之令三陽交泰萬彙同春併祈茂對昌


辰益介景福


漫塘劉先生文集卷第十九






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



漫塘劉先生文集卷第二十

啟


通新太平曾侍郎

脫屣周行分符姑熟過家上冢直衣繡
而晝行有命自天即前席於夜半猥托
粉榆之蔭敢忘桑梓之恭切惟馬鬣之
封實共犬牙之地尚接乎東阡西陌寧
分乎南富北貧矧茲再世之藏相去百




陳立說

國立中央圖書館, NATIONAL CENTRAL LIBRARY, TAIWAN, R.O.C.



3452540 V10



步而近。直爲幸會。敢後依歸某官一代
偉人。六經粹學文章。續南豐之派。靜重
有文昭之風。難兄難弟。同持紫橐。乃祖
乃父。不替青氊。方聽履而上。星辰忽把
麾而去。江海必有以也。誰其似之。顧蘿
蔓之旁緣。滔滔皆是。而松柏之特立。落
落固宜。委曰涅而不緇。所謂具曰予聖
可止。則止。料公心之甚明。時行則行。或

天意之有在。某一官崛起半世。陸沉援
之進。而不前。許其來而自弃。止圖寸祿
以養偏親。方水菽之奉。未克而風樹之
悲。已及逝者已矣。天乎痛哉。歛手足之
形葬者藏也。依唇齒之勢安。且吉兮聞
書戟之鼎來。正素衣之遜處。未見顏色
敢布腹心。倘憐草木之微。粗同臭味。庶
幾藜藿之採。不到家山拳拳願言縷縷




莫狀

上錢丞相

洵申巽命遂冠鼎司內陽外陰方天地
交泰之日視始正本屬明聖厲精之初
人臣會同君臣契合欣然有喜徧于亟
生某官先見灼如著龜忠誠貫於金石
堂堂不撓休休有容方王恢信馬邑人
之謀獨安國之異議及延賞特尚約贊

之約惟柳渾之深憂行藏在我以何常
輕重於時而有繫擢從經輜載上政塗
惟時儉人汨我成憲乾旋坤轉聿嚴堂
陛之分雷動風行盡出規模之素然且
虛一心而接下酌群言而用中緇衣美
武公考已有光於世德中國相司馬矣
宜遂息於多虞不勝愛助之私妄議急
先之務東宮國本中書化原左右未純




乎正人則本國未安政令猶出於多門
則化原猶紊千萬世無疆之計宜審于
今十三年已失之權盍還其舊或解紘
之未易則脫屣以端歸使海內知富貴
非所容心人主知爵祿不足驕士庶進
則盡職若子厚之傳梓人而退則保身
合周詩之美山甫不然事多掣肘動輒
違心管仲得君徒云專又晉公立節枉

用浮沉某看鏡自慙着鞭非願擬脫牢
盆之役忙求嶽麓之祠不得於心得於
言敢上欺於崇聽弗與其退與其進必
將有累於至公拜乎陳情翹首俟命榆
枋弱羽雖絕望於雲霄岩壑孤根仍宥
霑於雨露


賀張寺丞得郡

祇奉明恩載膺望郡貳崇禮於外府方



深求舊之懷推陽城於道州忽奉維新
之渥千里喜仁聲之被四方知公議之
伸贊美之深受知所共某官粹然天分
卓矣月評待物之溫和氣春風律已之
嚴清冰寒露選諸所表再轉而丞方直
上於雲霄忽退安於丘壑喜歸亭下松
菊猶存晚秀堂前芝蘭爭茂更修庠序
之教以收族黨之英以陶靖節之高風

而有范文正之義舉豈比餘子取持祿
保位之譏亦異臞儒犯潔身亂倫之戒
進退兩得望實益孚上眷不忘師言允
屬起從琳館再畀竹符不惟正千載之
違若宗元所記抑將吐萬物之氣如子
美所云某雖已同鷗鷺之忘機然尚知
燕雀之賀屢劾哀頌語以寫微忱居巖
巖而立綢繆雖此日莫陪於後乘作神




仙而辭富貴於他時可貢或短篇頌詠
惟深敷陳罔旣

漫塘劉先生文集卷第二十

漫塘劉先生文集卷第二十一
四六劄

通鎮江趙守

竊以孟秋謹月甘雨應期恭惟某官以
天上星辰主江邊風月山川政觀宗社
發祥台候動止萬福某久矣卑棲瞻焉
高仰飛沉異勢拜伏無階茲審錫命帝
宸陞華匠監大江之左正依玉節之光




仙而辭富貴於他時可貢或短篇頌詠
惟深敷陳罔旣

漫塘劉先生文集卷第二十

漫塘劉先生文集卷第二十一
四六劄


通鎮江趙守

竊以孟秋謹月甘雨應期恭惟某官以
天上星辰主江邊風月山川政觀宗社
發祥台候動止萬福某久矣卑棲瞻焉
高仰飛沉異勢拜伏無階茲審錫命帝
宸陞華匠監大江之左正依玉節之光



卷二十一
二浙以西更借金城之衛豈但楚尾吳
頭之故有頌名父杜母之來知已布於
教條敢敬陳於賀牘其官英姿霽月爽
氣澄秋讀人間未見之書爲天下有用
之學青油幕下正賡夜觀之吟赤白囊
中忽報夕烽之驚一鼓作三軍之氣十
乘代元戎之行陰闔陽開孰測六奇之
用風飛雷厲屢推千里之鋒武夫悍將

奉命以爭先儒生學士動色以相賀陸
抗守邊之畧信不愧於伯言孝文前席
之思欲亟見於賈誼內徧儀於華貫外
游領於藩宣甫茲建臺又爾易地蓋兵
之可用古獨稱於京口而謀之未寢今
猶慮於淮南望公之來直以日而爲歲
聞令之下皆滌慮以洗心貪夫骨寒黠
吏瞻落爭爭侵暴足知屏息於閭閻風




處之幸甚

尉趙守冬至

微陽肇復庶彙潛通恭惟某官當南路
之日初回望太行之雲益遠一誠哀慕
五內分摧然念大江之南正資固圉長
淮以北更藉折衝惟深抑於至情以導
迎於和氣某才非毛遂雖莫預平原之
十九人頌擬奚斯惟遙祝魯侯之萬千

采精神信可折衝於樽俎願益體古人
愷悌慈祥之意以一洗積年愁恨歎息
之聲庶成保障之功卽正樞機之任某
蚤以多病自棄明時再冒招延一無補
報俛焉耕鑿免於飢寒一廛爲氓幸遇
滕君之仁政萬間庶士敢祈杜老之歡
顏謹勒此代其身致敬于庭下意陋辭
拙且不閑藝式有乖事上之恭以度外




歲無由面控仰丐情原

回韓守

專价鼎來華緘下墜細字識隆謙之過
多儀欽厚意之將四端出紅女之機應
念授衣之候十壺遣從事之餉尤憐把
菊之情錦荔螺頭以慰其束苴采茶之
勞彩箋兔穎以寫其登山臨水之感記
存良厚報稱謂何某官家傳盟府之勲

身服聖門之教方急符狎至常思田里
之寬雖畫戟森羅每相林泉之樂淮陽
信汲黯所薄河內願寇君之留惟酌民
言勿專已計某少而落落老已昏昏了
無鄒谷回春之能徒有楚客悲秋之賦
無衣而何卒歲已幸紓幽俗之憂醉酒
而歌太平尚復見周家之盛頌言及此
感歎兼之謹勒此代其身謝於庭下




回韓守請鹿鳴

以汝南月評之朝舉周官歲貢之禮不
遺衰晚亦賜招邀仰惟二千石之尊勸
駕惟固應大七十之老扶杖往觀竊以
道同相謀詩歌必類方食苹之雅誅散
入筮絃正連茹之群英進陪樽俎詎宜
此處可着陳人用控忱辭祈仰矜照辭
齊王出東郭此心竇異於孟軻從江州

游廬山他日儻同於元亮

漫塘劉先生文集卷第二十一



漫塘劉先生文集卷第二十一

雜文

勸農文

勸農郡守職也守未至部使者適攝事
可以爲具文而不加之意乎使者來是
邦三年矣爾地之瘠爾賦之重豈惟使
者知之聖天子蓋甚愍焉故比年蠲丁
賦百萬實始此邦兵興政煩而是邦獨




漫塘劉先生文集卷第二十一

雜文

勸農文

勸農郡守職也守未至部使者適攝事
可以爲具文而不加之意乎使者來是
邦三年矣爾地之瘠爾賦之重豈惟使
者知之聖天子蓋甚愍焉故比年蠲丁
賦百萬實始此邦兵興政煩而是邦獨




晏然無異於平時顧不甚幸歟然而力
田尚寡浮食尚衆則有由矣夫徃於私
取之利而輕於肩法倚臺省諸司之近
而果於終訟凡此皆害農之本豈惟違
天時失地利且凶于而家害於而身是
可不深長思歟父老其敬聽斯言歸而
告諸子弟相與專心致志服田力穡以
無負聖天子優卹此邦之意

序

送陸提幹序

選人考第舉員已足必在任二年而後
可以離任此近制也稽山陸公之承金
壇曾未幾時即上玉笋班通金閨籍豈
近制歟選人改京秩必更縣寄此舊制
也陸公之去金壇即官陸朝擢佐本道
使者豈舊制歟夫不拘公以新舊之制



則所以望公者果無意歟大江之南浙
水之西王業浸昌人物偏萃欽哉惟刑
之恤繫使者之責而使者以去天尺五
或朝至暮遷率相丞引大體不屑職務
然則日抱具獄與使者爭是非非幕府
職歟公之令六安也使者急功利欲張
虛言易私鑄邊民譁張亂在頃刻公奮
不顧身精爲使者言之言雖不售民倚

公重不倉皇失業後使者祖其言卒轉
危而安其丞金壇也歲浣飢民食半菽
吏不加閔謹曰菽足以輸民間皇皇坐
頓溝壑公上其議於府府不聽又上其
議於使者適攝府事取其言施行之民
以大和其裨使者之畫不旣多歟夫其
未始入幕也而獻畫若是况身是任歟
抑人有言當局者迷室之高下室外之



人觀而知之公試自思方在六安金壇
時臺幕之士亦有智識如者公乎今日
屬邑之更亦有智識如公在六安在金
壇時者乎咸無焉則已萬一當時幕中
之士亦有智識庶幾於公而未免於當
局之迷今日屬邑之吏亦有智識庶幾
於公而旁觀之審則安知今也人之視
已不如向也已之視人僕甚爲公凜凜

故書以贈

記


真州居養院記

居養院以處老疾無告者其來遠矣真
之舊址在寧江門之西百步火於淳熙
間因廢不治地近闐闐有力者請於官
轉爲民居慶元初朝請大夫汪公梓提
舉常平踵故事下州擇廢地得故鹽倉



基之西北隅編茅織葦架散以材爲屋
十有六間茅葺經歲輒壞歲支常平錢
葺治不滿三十緡而乾沒者過半敝漏
庠濕壯者強者居之懼不免死謂老疾
何某備數法掾之明年道過之歸而惕
然曰常平非吾可專而出納吾事也可
置弗問會計使與總饒者互委糴事得
市例餘資二百五十六緡欲撤而新之

顧資少不給用時省卽韓公挺適自提
舉常平來領漕事亟以白之公曰某志
也卽給以木大小百有九十又以請於
通判主管常平事鄭公焘公亦忻然助
之得錢百三十緡有奇經始於慶元六
年二月朔鳩工於附月之望屋之數不
加其舊而廣高倍之屋西眎三隅特隘
以時直給其地之主闢地可五尺而西



圍翼然繚以周牆餘四十丈工以數計
凡六百二十有一工役之庸磚瓦竹木
之直眎公家所給悉增三之一門之東
西爲屋各二翼以二厦其西擇老成道
民居之使時其啟閉以令闈者東爲闈
者之居又東爲廚而井在焉分兩廡爲
八以便其衽合中堂爲一以處義聚者
總戶牀第各稱其所其事畧已備矣然

猶有憾焉曰居曰養非可偏廢今居之
有其地矣養之者可無其資歟嘗營其
資矣而卒弗遂豈成不固自有時而人
力不與歟姑紀其事之幸而集者以識
吾喜述其事之欲爲而未成者以識吾
憾庶來者有感焉


重修嘉賢廟十字碑亭記

延陵吳季子之邑季子遜國之節高天



下廟祀爲宜故唐狄梁公盡毀江南諸
祠獨此不廢廡前對峙二亭下覆穹碑
新舊各一其文曰嗚呼有吳延陵季子
之墓蓋舊者裂矣而新者代之相傳以
爲夫子書書之是否不可知而歷代寶
之傳必有自嘉定己卯春某始與里中
湯泳張汝玉汝开三山鄭寧來致敬周
視廡間淫祀赫然而亭獨壞喟然嘆習

俗之陋乃因友人王遂白府下縣鎮撤
像設之不經者凡八十有四已乃合衆
力屬鎮之士韋晰再葺兩亭晰好事勇
於義鎮大夫上饒蔣丙又勸相之未幾
告成俾識歲月某嘗觀孟子論邪慝之
害曰君子反經而已歐陽子之論釋氏
亦曰當修其本以勝之然則二亭之葺
豈徒以壽斯石而已哉吾黨之士必有



能反三隅者

題跋


光宗宸翰

光宗皇帝受禪凡一話言一舉措必視
太母慈顏稟壽皇慈訓觀其以倪公草
伯圭制爲愜壽皇之意以繳吳城除即
爲契兩宮之心故驟自庶僚擢登禁從
他可想見異時小愆常度蓋疾病則亂

貴賤所同而近臣無如韓魏公者小臣
辱賜第龍飛之初嘗瞻日月之末光讀
此感涕不知所云

寧宗宸翰

尚書之鎮當塗泉南撫摩其民不啻慈
父母之於子故京口命下闔境欣然引
領南望曰庶撫我乎而竟改命天下三
百餘州那得一時邦伯皆尚書者恭親



寧宗宸翰重爲鄉邦惜

題陳少陽畫像

陳公以布衣扣關恨不手鋤姦佞今雖
死垂紳正笏生氣凜凜姦佞盡少避恐
不減段太尉無恙時


銘

文房五物銘

得軒初成張簿送筆墨硯檀

香壓尺水晶筆架戲荅

平而泓盡墨之銳而不與墨爭吾是以
知爲端溪之舊坑也圓而勁免冠而髮
逾整吾是以知爲中書之毛穎也凝青
煙玄之又玄吾又以知廷珪之不死家
法之有傳也直而砥黃中而通理使吾
雲煙落紙而邊隅帖然若長城之衛者
非守西河之檀子歟雪崖冰趾離立而



不倚使吾中書君時與其膠漆之友高
枕其間而不躡問誰主者則吸風飲露
之仙子也倚歟得軒葦爾何以有此蓋
樞室主人憐其文氣之衰贈此五者以
扶持而振起之也

座右銘


唾面自乾史以爲婁公盛德
漫塘叟曰未也臧孫有言曰

美疾不如藥石曰藥石矣宜
從而味之可使徒乾乎廣其

意爲座右銘

唐有宗工厥德有容曰惟婁公非意相
干唾面自乾坦然而寬唾必有由唾必
汝尤宜反而求求之而得味我藥石君
子之則


祭文



祭黃尚書文

嗚呼哀哉鄧林之木聳壑干雲孰棟孰
梁厥惟梓人江漢東流百川胥會何以
受之厥惟滄海公學之粹六經自出公
行之偉鬼神可質憲臺諫省去來接踵
首擢大姦惟公之勇飯蔬飲水誰其可
父勇退十年惟公之守江淮極飢政弛
因循百萬呼號生爲死鄰誰其生之曰


公之仁准右汰兵衆疑且驚賣劍買牛
鼓舞歸畊誰其歸之曰公之明凡公所
立焜耀一世某之論公則異於是人材
實難知才未易心不在焉失之交臂公
心懍懍一念弗置剛柔異宜清濁殊流
或執其偏忽散忽收是能容之公心休
休推公此心翁受敷施跨周軼商躋世
雍熙推公此心涵養成就計功社稷數



世之後云何不淑而降疾殆虛此會逢
明良千載嗚呼哀哉某揆迹雖踈愛知
實重江湖歲月自老賓送素車千乘莫
陪後從一觴之奠寫此哀痛夫豈其私
爲天下慟嗚呼哀哉


漫塘劉先生文集卷第二十二

古書流通處




國家圖書館 NATIONAL CENTRAL LIBRARY





國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

